



pngelectionprinting.com

THEODIST LTD
THE STATIONERY SUPERMARKET

POSTERS BANNERS CARDS A-FRAMES FLYERS CAR STICKERS CORFLUTE SIGNS

INSAIT

Wingti bilip long win gen



Pes 2

Laipstail

Gutbai Lewa



Mother's De
tribiut long
Carol Jada - P10

Parkop i no laik trabel long taim bilong ileksen



GAVANA bilong NCD, Powes Parkop i tok bai em i no inap long larim vailens i kamap na pretim ol kendidet long taim bilong ileksen kempen long siti.

Gavana i mekim dispela toktok bihain long wanpela kendidet bilong NCD i bin kalap antap long wanpela kar bilong ol sapota bilong Parkop, na brukim winskrin bilong kar. Kar i bagarap na draiva na meri bilong em tu i bin kisim bagarap.

Dispela birua i bin kamap long taim Mista Parkop na ol sapota bilong em i ran long 20 kar i go long Wild Life Jon 1 long wanpela reli bilong komyuniti long Tunde.

Em i tok, "Mi no laik dispela kain pasin. Dispela i nambatu taim sampela lain i bin bagarapim wanpela pisful reli bilong mipela."

Gavana Parkop i tok wanem samting i bin kamap long Tunde inap long kamapim bikpela birua tru, sapos em yet i no bin stap long stopim ol pipel na tokim olsem vailens i no wei bilong stretim ol hevi, o wei bilong ileksen na taim bilong vot.

I go moa long pes 2...



Vodafone
Smart turbo 7

Lukim page
7 lo moa.

Soim Sapot: Liklik meri long 2-Mile Hill i bilas na wetim Memba bilong Pot Mosbi Saut Iektoret, Justin Tkachenko, long kam na lukim em wantaim ol famili bilong em long soim sapot bilong em. *Poto: Nicky Bernard.*



Rainbow Units on Rent

Inside Wantok Compound with security gate

Upstairs - 2 Bedroom & 1 Study room
Downstairs - Lounch, Kitchen & Toilet/Shower facilities.
All white goods available.
Ample parking space, front lawn has best recreation area for barbaque and family gatherings.

4 units available for rent.
K4000 a month or Negotiable!

Call Word Publishing and ask for Buana Ragela on PH: 325 2500 or Mobile:70682533 to inspect the site.

K4000 a month or Negotiable!



Wingti bilip long win gen

WESTEN Hailans Gavana Paia Wingti i tok long em bai win gen.

Long wanpela niuspepa ripot dispela bipo tu-taim praim minista i tok "mi original pikinini man ol Westen Hailans manmeri i laikim." Em i tokim ol kendidet husat i salensim em long Westen Hailans sia 2017 olsem husat kendidet i man tru i ken rausim em long sia bilong em.

Wingti i bin mekim dispela tok long taim em i go wantaim Memba bilong Tambul-Nebilyer Benjamin Poponawa long opim sampela nupela klasrum long distrik.

"Mi holim dispela sia long 20 yia na praim minista long tripela taim.

Dispela i givim mi bikpela save long holim bikpela wok," Wingti i tok.

"Planti lain manmeri i tok mi g-aman, ol i tok dadi bos i save mekim ol promis we i no gat kaikai bilong ol, tasol mi larim disisen i stap long han bilong ol manmeri long mekim.

"Laip bilong mi i klia, na i no hat na olsem mi no ken kempen. Mi mekim planti samting bilong provins na mi bai mekim planti sapos mi kam bek."

"Mi mekim ol hai skul, na taim yupela i makim mi gen, bai mi mekim nupela yunivesiti bilong yupela wantaim ol

namba wan ol tisa."

Em i tok long em i kamapim nupela Kapa Haus long redim ol nupela yunivesiti tisa long go, stap na wok.

Em i tok planti lain kendidet husat i resis wantaim em long r-ijonal sia bai givim mani na ol pre-sen long ol tasol em bai i no inap long mekim olsem.

Resis egens Wingti em sampela biknem kendidet olsem bipo tisa bilong lo long yunivesiti bilong Papua Niugini na loa bilong PNG lilektoral Komisina Profesa John Nonngor, bipo Westen Hailan Gavana Tom Olga na nau deputi gavana bilong provins Wai Rapa.

Wingti i memba bilong Pipels Demokratik Pati na sapotim praim minista Peter O'Neill.

Nonngor na Olga i sanap long pait egensim pasin korapsen na i egensim O'Neill na pati bilong em, Pipels Nesanel Kongres (PNC) na i laik long rausim Wingti na O'Neill gavman.

Long wankain taim ol arapela memba bilong Westen Hailans tu i resis long sia bilong ol.

Dispela ol memba em Hagen Open memba na palamen lida bilong PNG Rioses pati William Duma, Benjamin Poponawa long Tambul Nebilyer, Dei memba Wesley Ningits.



Tom Olga, bipo Westen Hailans Gavana husat i resis gen long winim dispela sia.

Kendidet: Enga i mas gat gutpela rot netwok

Paul Zuvani i raitim

ENGA rijonal kendidet Robert Pati i tok long lukim ol manmeri i gat gutpela sindaun, Enga i mas gat gutpela rot netwok.

Robert Pati husat i sanap long resis egensim Enga Gavana Sir Peter Ipatas i tok sapos em i win em bai skruim fri edukesen polisi Ipatas i ananim tasol long wankain taim i laikim ol manmeri i mas gat gutpela rot netwok.

Em i mekim dispela tok taim em i lonsim polisi kempen bilong em long Laguna Hotel long dispela wik.

Em i tok em i gat ol sapota long Australia, Israel na Amerika long helpim em.

Dispela ol sapota i baim nominesen fi bilong em na sapotim em long taim bilong ileksen na long taim ol bai i stap insait long gavman.

Em i tok em i laik bai rot i mas bungim olgeta 5-pela distrik em Wapenamanda, Wabag, Laiagam-Porgera, Kandep na Kompian Ambum. Wantaim gutpela rot netwok, Pati i tok long bringim gutpela pawa saplai i go long ol manmeri.

Em i tok taim ol manmeri i mekim liklik ol bisnis ol i mas i gat rot na pawa,

"Taim i no gat rot na pawa

manmeri bai i no inap long kamapim ol liklik bisnis o kisim kaikai bilong ol i go long maket long salim," Pati i tok.

"Mi sapotim polisi bilong Gavana long fri edukesen tasol wantaim no gat rot na no gat pawa, manmeri i no inap long lukim developmen gut."

Ol arapela polisi Pati i tok long kamapim em mekim bikpela ikuiti patisipesen long Maining sekta i go antap long 30 pesen we nau i stap long faiv pesen.

Dispela mak bai wankain long mak ol papagraun bilong ol arapela maining projek olsem Ok Tedi, Lihir, Hidden Veli na Ramu Nico i gat long em.

Em i tok narapela polisi em bai kamapim sapos em i win em mekim Suriki i kamap maininig taunsip. Displea i narapela long Piam Maining taunsip long Porgera.

Promotim moa smol na midim bisnis (SME) projek.

Wantaim Fri Edukesen, Pati i tok em bai skruim yet dispela polisi tasol bai painim ol wok we ol greduet i pinis skul i gat ol ples bilong wok.

Em bai strongim wok bilong givim moa helt sevis long ol rurel manmeri, moa long ol manmeri husat i stap long ples.

Mora tokaut long senisim Sumkar distrik

James Kila i raitim

WANPELA yangpela lida husat i luksave long hevi bilong ol pipel bilong Sumkar distrik i apim han pinis long sanap na kamapim senis bilong ol pipel.

Nem bilong dispela yangpela lida em Chris Kalik Mora, na em i resis aninit long Pipels Nesanel Kongres pati (PNC Pati).

Praim Minista Peter O'Neill i tokaut olsem PNC Pati i glasim na makim ol gutpela kwaliti kendidet long resis, na Mora em dispela lida PNC i luksave i gat gutpela kwaliti long bringim developmen long Sumkar distrik.

Mora i tokaut olsem bikpela as tingting bilong em long resis long makim ol pipel bilong Sumkar distrik em bikos planti belpen bilong ol Sumkar pipel long bipo i stap yet.

Ol lida ol i makim pastaim i no luksave gut na harim kra i na belwari bilong ol pipel na stretim.

"Wanpela bikpela samt- ing we i stap ples klia tru em no gat gutpela, klinpela wara saplai i go long planti ples insait long Sumgilbar na Karkar sab distrik," Mora i tok.

Dispela hevi bilong ol no gat gutpela klinpela wara bilong dring em hevi i stap long taim tru tasol ol lida ol pipel i makim long Sumkar Open i no gat luksave long en.

Narapela bikpela samt- ing Mora i tokaut long stretim em long bringim gutpela helt infrastraksa olsem stretim na mekim kamap ol helt post i kamap sab-helt senta long givim marasin na gutpela sevis i go long ol manmeri.

Em i tokaut olsem insait long las 5-pela yia ol Memba bilong Palamen (MP) i bin gat K10 milien long yusim aninit long Distrik Sevis Impruvmen Program (DSIP), tasol insait long Sumkar distrik no gat hanmak bilong dispela wok

i kamap long stretim helt infrastraksa. Dispela em bikpela askim ol pipel i mekim.

Mora i tokaut olsem em i endosim em yet olsem Pasifik Marin Industrial Zon (PMIZ) kendidet long tok strong long dispela projek i kamap.

Em i tok PMIZ projek bai kamapim wok na bringim ikonmik developmen long distrik.

"Mi luksave olsem PMIZ em bai kamapim ikonmik divleopmen insait long Sumkar distrik na taim mi kisim pawa mi bai toktok strong olsem dispela projek i mas kamap yet," Mora i tok.

PMIZ em bikpela projek we i ken kamapim 30,000 i go 40,000 wok bilong ol pipel long Sumkar.

Mora i tok narapela bikpela developmen projek ol pipel i laikim em rural ilekrifikesin, ol rural pawa saplai. Pipel i nidim pawa saplai long bringimap gut-

pela sindaun na laipstail insait long wan wan komyun- niti.

Narapela developmen nid em rot. Ol rot insait long distrik i bagarap bikos ol memba bilong palamen long pastaim i no givim helpim long stretim ol rot.

Sampela long ol rot we nogat gutpela mentenens long en em Matugar-Wasab ring rot i go olsem long Garup na tu rot bilong Karkum-Basken-Dimer-Mirap ring rot. Ol arapela rot long distrik tu i bagarap olsem Bunabun-Sevan i go Wanuma eria.

Luksave bilong Mora long Karkar ailan pipel em long subsidi long helpim ol kopra na kakao fama long ailan.

Moa long dispela, em i tok long kamapim wanpela Karkar Ailan Disasta Trast akaunt.

Dispela em nupela kain projek we em i rilif trast akaun long helpim ol Karkar ailan pipel long taim bilong hevi.

I kam long pes 1...

Em i tok, "Mi sapotim stretpela pasin bilong fri na fe ileksen na mi no save mekim ol giaman toktok o bagarapim gutpela nem bilong ol arapela kendidet. Olsem na mi no save watpo ol pipel i kros na i no wari long laip bilong ol

Parkop i no laik trabel long taim bilong ileksen

long taim ol i kamapim dispela kain pasin.

Mista Parkop i tokaut strong olsem bai em i no inap larim ol lain i kamapim trabel long taim bilong ileksen insait long siti.

Em i singaut long olgeta

kendidet long bung wan- taim na kamapim gutpela kempen na skulim ol sapota bilong ol long no ken kamapim trabel o sutim bel bilong ol arapela kendidet.

Ol polis long Gordons na McGregor Bareks husat i

bin stap i bin witnes long dispela birua i kamap.

Mista Parkop i tok long stopim ol sapota i kamapim moa trabel, em i givim ripot i go pinis long ol polis na bai ol i mekim wok bilong painimaut na arestim ol lain i kamapim trabel.

NDoE bai gohet long lusim olgeta edukesen wok long ABG

Benorah C.Hesehing i raitim

Nesenel Dipatmen bilong Edukesen (NDoE) bai gohet long lusim olgeta wok bilong edukesen long han bilong Bogenvil Dipatmen ov Edukesen (BDoE) bihain long ol skelim gut wok bilong ol.

Seketeri bilong edukesen, Dokta Uke Kombra mekim dispela tok long Joint Implementation Group (JIG) bung long asde.

Dispela bung em i bilong skelim ol wok PNG na ABG edukesen dipatmen i wokim pinis long dispela 'edukesen sistem trensisen wok'.

Dokta Kombra i tok Titsing Sevis Komisen (TSC) na edukesen dipatmen i no lusim olgeta bikpela wok yet long han bilong BDoE yet.

Sampela bilong ol dispela wok NDoE i no lusim yet em; edukesen kurikulum, eksemnisen na ol arapela.

"Dispela em bikos ol i laik luksave pastaim long strong bilong ol long karim dispela bikpela wok long han bilong ol yet na mekim gut tru.

"I no bikos ol i no mekim," Dokta Kombra i tok.

Em i tok tu olsem ol i lusim pinis sampela menesmen wok long BDoE.

NDoE i putim wanpela hap

ples long Bogenvil bilong helpim ol long wokim dispela wok.

JIG bai i wok strong long lukim olsem dispela wok i kamap gut tru.

"Yumi mas wok long ol hap wok yumi givim pinis long BDoE, skelim ol bihain yumi gohet long lusim ol arapela", Dokta Kombra i tok.

Seketeri bilong BDoE, Dokta Justin Kechastin i tok olsem ol Bogenvil Edukesen Dipatmen wokman na meri i wok long wok bung wantaim gut tru long lukim olsem olgeta wok NDOE i lusim long ol i kamap gut na I wok long ran.

Edukesen Sekreteri i opim JIG Miting

Benorah C.Hesehing i raitim

SEKETERI bilong edukesen depatmen, Uke Kombra i bin opim Joint Implementation Group (JIG) bung blong nesenel dipatmen bilong edukesen (NHoE) na Bogenvil Dipatmen ov Edukesen (BDoE) long asde.

Dispela bung bai i stap inap long tupela de olgeta insait long PNG Edukesen Institiut (PNGEI) long Pot Mosbi.

As bilong dispela bung em long skelim ol edukesen polisi na wok we NDoE i bin lusim go long han bilong BDoE na Bogenvil gavman (ABG) longtaim igo pinis wantaim ol progres na salens ol i bin bungim.

Dokta Kombra i tok, i bin no gat dispela kain bung long

tupela yia ;olsem na dispela bung i kamap gen nau bai i mekim orait long ol long skelim olsem wanem ol i ran na wok bung wantaim gen.

"Ol JIG memba i no ken pundaun gen na mas wok bung wantaim insait long dispela taim bilong mekim dispela wok.

"Yumi mas lukluk bek na skelim olsem wanem yumi wok na bai i helpim yumi long wok gutpela moa yet," Dokta Kombra i tok.

Seketeri bilong BDoE, Dokta Justin Kechastin i strongim toktok bilong Kombra, na i tok ,pasin bilong lukluk bek na skelim ol wok i ran pinis na wok bung wantaim em i bikpela samting ol i mas mekim.

Insait long dispela bung tu, Kombra i tok amamas long

Australia gavaman, Australia Hai Komisin (AHC) long helpim long lukim olsem dispela wok i ran gut.

Em i tok amamas tu long ol wokman bilong long NDoE

long ol gutpela wok blong ol.

Planti bilong ol lain husat i kamap long namba wan de, em ol JIG memba bilong BDoE.



Gavana bilong Benk ov PNG, Loi Bakanai i toktok long ol nius man na meri long las wik Fraide. Poto: Frieda Sila Kana.

Makim gutpela Lida

Mathew Yakai i raitim

WANPELA kaunsil long Mundika traib long Kagul distrik, Westen Hailens provins i tok strong long ol man na meri long i mas makim gutpela lida.

Kiap Katapa i tok ol pipel insait long Lower-Kagul na Tambul-Neblyer mas lukluk gut na makim gutpela

lida long makim ol long haus palamen long narapela faivpela yia.

"Distrik bilong mipela i no gat risos; yumi stap long egrikalsa na edukesen.

"Olsem na yumi mas lukluk long ol man husat i promotim dispela tupela samting," Katapa i tok.

Katapa i mekim tu narapela singaut i go long ol

kendidet husat bai i resis long Tambul-Neblyer sit long kam aut klia long ol as tingting bilong ol.

"Dispela bai i helpim ol man na meri long mekim gutpela disisen long vot bilong ol," Katapa i tok.

Tambul-Neblyer sit bai i lukim olsem 18 kendidet i resis wantaim siting memba Benjamin Popenawa.

Benk ov PNG i kisim bek ol pepa mani long ol stilman

Frieda Sila Kana i raitim

BENK ov Papua Niugini o Sentral Benk i kisim bek gen moa long K1 milien ol pepa mani we ol i bin rausim long kantri na i salim i go long wanpela bisnis man long Yurop long brukim na yusim long narapela wok.

Ol dispela K1 milien pepa mani em i hap bilong K160 milien pepa mani we

BPNG i bin kisim bek long ol pipel, na senisim wantaim ol plastik mani sampela taim i go pinis. Wanpela bisnis man bilong risaikel o yusim gen ol prodak long Yurop i bin baim ol dispela olpela mani long em bai yusim gen long kamapim narapela ol samting.

Benk i bin salim ol dispela mani insait long wanpela kontena na i wok long salim i go long Yurop tasol

sampela stilman long Esia i bin stilim dispela kontena mani long hap rot.

Gavana bilong Benk ov PNG, Lo Bakanai i tokim ol niusman na meri long Fraide las wik olsem Boda Atoriti long Vanimo i bin kisim bek ol dispela mani na Benk opisa i bin go long Indonesia boda kisim bek K1 milien bilong ol dispela mani, taim ol i harim olsem dispela mani i wok long kam bek isi, isi long kantri.

Mista Bakanai i tok olsem Benk i luksave olsem nau em i taim bilong ileksen kempen na sampela lain bai traime long yusim ol dispela kain mani long mekim ol paul pasin olsem na Benk i laik to ksave long pablik olsem ol pepa mani em i no moa gat pawa long PNG.

"Tok save na luksave em i bikpela samting long ol pipel bai i no ken kamap longlong na lusim mani na sevis bilong ol nating," Mista Bakanai i tok.

Em i tok olgeta pepa mani em i no gat pawa nau na sapos wanpela i gat dispela kain mani nau ol i no ken traime long yusim. Em i tok pastaim ol i bin mekim bikpela pablik tok save long olgeta pipel bai bringim ol dispela mani i kam na ol i senisim wantaim wankain mak mani tasol nau bai i no gat.

Local Knowledge. Global Solution.

BSP has the largest network of access points in the Pacific.

- 70+ Branches
- 50+ Sub Branches
- 350+ Agents
- 490+ ATMs
- 11,300+ EFTPoS

SAMOA SOLOMON IS TONGA PNG COOK IS FIJI VANUATU

WE ARE BSP

www.bsp.com.pg



Sam Basil promis long kotim O'Neill sapos Pangu kisim gavman



John Supa i raitim

Pangu Pati Lida na Memba bilong Bulolo, Sam Basil (piksa) i bin tok promis long putim Praim Minista Peter O'Neill long kot taim Pangu Pati na ol narapela gutpela politikal pati i kamapim neks gavman.
Mista Basil i toktok long planti

pasin korapsen gavman i bin wokim .
Basil i tok gavman bilong em bai bringim bek ICAC Bil long mekim ol lo we i karamapim ol lida bai stopim ol long no ken mekim ol pasin korapsen.
Em i tok tu olsem Tas Fos Swip Tim bilong Sam Koim bai gat sam-

pela moa tit wantaim moa mani na pawa long tim bai i ken fri long tim i no gat politik long pasim rot bilong em.
Basil i wok long toktok long taim bilong opisal endosmen bilong Pangu Pati kendidet na pastaim Kafentina LLG Presiden, Isento

Taffy Susugao, bilong Henganofi Open sit long Henganofi stesin las wik.
Moa long 5,000 pipel i bin kamap long dispela taim na bikmaus singaut long sapatim Mista Basil long taim em i mekim ol tok tok long kamapim nupela gavman.

Media Kaunsil givim strongpela toktok long ileksen vailens

MEDIA Kaunsil bilong Papua Niugini i tok dispela pasin sampela lain i bin mekim long paitim ol nius lain husat i ripot long ileksen kempen long Pot Mosbi em i wanpela rabis pasin tru.
Media Kaunsil i toktok long wanpela hevi i bin kamap long las wik Fonde long Mosbi Saut ilektoret long taim ol sapota bilong wanpela kendidet i bin paitim kamera man bilong EMTV. MCPNG i tok dispela pasin i no gut-

pela na i no gat as bilong en.
Presiden bilong PNG Media Kaunsil, Alexander Rheeney i tok media i gat bikpela wok long mekim long taim ol i givimaut ol nius ripot long ol 3331 kendidet husat i resis long ol 89 open ilektoret na 22 provinsal sit.
Em i tok ol 4 milien vota bilong PNG i laik lukim stori bilong ol dispela kendidet long media na ol polisi bilong ol politikal pati. Olsem na moteta ol pipel i mas larim

ol media i fri long mekim wok bilong ripot long dispela 2017 nesanel ileksen olsem ol i save mekim long ol arapela ileksen.
Mista Rheeney i tok dispela pasin we ol sapota bilong wanpela kendidet i paitim ol wok lain bilong EMTV em i nogut pasin.
Em i singaut long ol kendidet i mas karim hevi bilong ol trabel ol sapota bilong ol i kamapim na ripot i go long ol lain husat i ken givim mekim-save long ol.

Ol intenesenel obseva bai was long PNG Ileksen

YUNAITET Nesens Developmen Program (UNDP) bai sapatim 2017 nesanel ileksen long Papua Niugini wantim 100 intenesenel ilektorel obseva o ol lain bilong was long ol ileksen i kam long kantri.



Ol UNDP i mekim dispela long bekim singaut bilong PNG Ilektoel Komisina long UNDP bai kodinetim intenesenel ilektorel obseva we bai kam long moa long 12-pela grup olsem: Komonwelt, Melanesien Spiahet Grup, Australia Nesanel Yunivesiti, na Australia Hai Komisina ol narapela diplometik misin.
Roy Trivedy, UN Residen Kodineta na UNDP Residen Representativ i amamas long bekim singaut bilong PNG Ilektoel Komisin long sapatim ol ileksen.
"Ol dispel obseva bai mekim bikpela wok long helpim long strongim na banisim

Ol Intenesenel Ileksen obseva i bin stap long 2015 Bogenvil Jeneral Ileksens.
sivel na politikal rait bilong ol lain i go insait long ileksen. Ol bai lukluk long ol kain samting olsem ol pipel i fri long go i kam na tu stap bilong ol bai helpim long daunim pasin bilong ol kendidet i bosim ol vota na tu long helpim ol pipel long no ken prèt long ripotim ol kain paul pasin i save kamap.
UNDP bai bungim na skelim ol tok save, ogenaisim ol trening na tok stia bipo long ol obseva i go long ol wan wan wok hap bi-

gutpela ileksen long bihain taim.
UNDP em i bikpela ejensi i save helpim long taim bilong ol ileksen long UN sistem. Em i bin stap mekim dispela wok insait long moa long 58 kantri na i no longtaim i go pinis ol i bin stap long Bogenvil long 2015 Bogenvil Jeneral Ileksen.
"Gutpela na strongpela kodinesen mekenisem bilong intenesenel obseva em i bikpela samting long strongim bilip insait long demokretik proses na long strongim gutpela tingting bilong gavman long kamap long ol ileksen," Mista Trivedy i tok.
Bihainim UN polisi long helpim ol ileksen, UNDP yet i no wanpela obseva long ileksen na bai i no inap long mekim toktok long ol ileksen na i no inap long mekim wok bilong ol intenesenel obseva.

URGENT!!

URGENTLY REQUIRE STREET SALES AGENTS & DISTRIBUTORS TO DO BULK SUBSCRIPTION OF WANTOK NIUSPEPA IN THE FOLLOWING LOCATIONS

Rabaul, Kiunga, Tari, Jiwaka, Manus, Wabag, Kavieng, Simbu, Tabubil, Lae, Mendi, Bulolo, Popondetta, Wewak, Vanimo and Kerema

Qualification:
No specific qualification is required, can be an individual, family, a retired worker or someone who is already engaged in doing News Paper contract work.

For more detail information please call
The Circulation Supervisor, Mr. Mark Timbi on Phone: 3252500,
mobile phone: 72703860/75690395 or
email: mtimbi@wantoknispepa.com
circulation@wantoknispepa.com

Salens bilong Pruaitch

I GAT bilip olsem ileksen bilong dispela yia bai lukim planti senis long ol wan wan ilektoret.
Wanpela bilong dispela ol ilektoret em Aitape Lumi long Sandaun provins.
Dispela sia em Minista bilong Treseri na palamen lida bilong Nesanel Alaiens Patrick Pruaitch i holim.
Pruaitch i bin stap long dispela sia long

las 15 krismas stat long 2002 i kam.
Tasol nau i gat planti tingting long kambek bilong em bihain long Katolik pater Zachery Miroi husat i laik sanap na resis long dispela sia.
Miroi husat i wanpela Franciscan pater na i bin mekim wok pater long Aitape Daioses long las 20 yia.
Aitape Daioses i kisim Aitape Lumi Open na i kisim tu

Nuku distrik.
Planti lain manmeri i save long Pater Zachery.
Tasol sampela bai askim long as Pater Zachery i laik lusim holi wok long helpim sol bilong ol manmeri i mas lusim wok bilong em na kisim wok politikal.
Lo bilong Katolik sios na oda i kam long Pop long Rom i tok ol pater i mas pas long wok bilong pater na i no ken



Patrick Pruaitch

pas long wok politik.
Ating long sait bilong wok misin, i luk olsem Pater Zachery bai brukim lo bilong Katolik sios.
Em politik long PNG.



PIH Saveman *Nius*

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

Are vaccines only for children?



There was a time when small pox was a leading cause of death and many children became paralyzed due to polio. But today the successful immunization program has eradicated small pox and polio is now on the way of eradication. Immunization is a process, which prevent one from contracting the deadly infectious diseases through vaccination.

When we talk about vaccines, we mainly think it is for children under immunization program, which mainly covers diphtheria, whooping cough, tetanus, polio, hepatitis B, hemophylus influenza, measles and pneumococcal pneumonia, nevertheless it is also important for adults to consider the benefits of vaccine. Firstly, many new vaccines have included in routine vaccination schedule, which were not before. So many adults are not immunized against those diseases during their childhood. In addition to personal protection, high rates of vaccination help protect those around us who cannot be immunized for health reasons such as illness, old age, or allergy. This principle is known as herd immunity, or community immunity. Secondly, in the era of globalization people travel from one part to another. If one traveling to an area

with a large number of cases of the diseases that can be prevented by vaccine, travellers are recommended to be vaccinated. Thirdly, specific groups such as the health care providers are more exposed to diseases. They should be considered seriously to be vaccinated against the deadly diseases.

Vaccines against hepatitis B virus and human papilloma virus

(HPV) are two major examples that should be considered seriously among adults. Hepatitis B virus cause acute and chronic hepatitis that later might progress to liver failure. Human papilloma virus (HPV) causes deadly cervical cancer among the women. Cervical cancer ranks as the first leading cause of female cancer deaths in Papua New Guinea. These two diseases are not only deadly but also

family of the patient experiences a great catastrophic cost for their treatment.

It is good news that already Hepatitis B vaccine is included in the routine immunization in PNG. In 2013 government launched the administration of Hepatitis B vaccine to all cadres of the health workers in the country. The HPV vaccination program started recently as pilot in the National Capital District in selected primary schools, for 20,000 girls.

The recommended schedule for the hepatitis B vaccine is to receive 3 doses. Two doses of HPV vaccine are enough if given to 11 to 12-year-olds to protect against cancers caused by HPV infections. Teens and young adults, who start the series later, at ages 15 through 26 years, should receive three doses of HPV vaccine.

Like Hepatitis B, hepatitis C virus is equally dangerous for human life. However unlike hepatitis B, vaccine is not available for Hepati-

tis C virus. Still research is going on for development of effective vaccine against Tuberculosis, HIV, rotavirus and malaria. An experimental Ebola vaccine was found highly protective against the deadly virus. We win over many diseases through vaccination nonetheless more challenges need to concur.

Vaccine saves life in a cost effective way. World Health Organization (WHO) celebrates 24-30th April as world immunization week with the aim to raise awareness about the importance of vaccine throughout the life. In PNG immunization coverage is still around 60-65%. So every sector of health including public and private sector should come forward. Along with public health sector private health care providers like Pacific International Hospital (PIH) may play a major role in raising awareness and improving vaccination coverage.



DONT WAIT. VACCINATE!



Advanced Infrastructure

Quick Turn-around Time

Flexible Timing - All Days

Australia & New Zealand Visa Medicals

Your hassle-free journey begins here. PIH introduces Visa Medicals for Australia & New Zealand. Now waltz through the health-check for your visa effortlessly with attractive packages.

CALL 7155 8866



Ol 77 man i ranawe long Buimo haus kalabus

Baki tok long stretim haus kalabus

METROPOLITEN Komanda bilong Lae, Sief Suprintenden Anthony Wangambi, i tokaut olsem 77 kalabus lain i brukim Buimo haus kalabus long Me 12.

Ol lain i gat pawa long Buimo haus kalabus i kilim 17 husat i ranawe na i holimpasim gen 3-pela na 57 em ol i no painim ol yet.

Metropolitan Komanda i tok olsem planti bilong ol lain i ranawe em ol i bin putim ol long kalabus bikos ol i bin brukim bikpela lo olsem am roberi, stilim kar, brukim haus na stil, na seksuel ofens.

Wagambie i tok, sampela kalabus lain em kot i bin kalabusim ol long stap sampela taim long Buimo i bin ranawe wantaim.

Ol lain i ranawe long kalabus bai kamapim birua long Lae komyuniti na long dispela as tingting, ol lain i save stap long siti i mas ripot long polis, sapos ol i lukim sampela bilong ol dispela lain long kalabus.

Wagambie i tok moa olsem ol i bin brukim kalabus taim em i bin go aut long Pot Mosbi, tasol ol woda na polis i bung wantaim long holimpasim gen ol lain husat i brukim sel na ranawe.



KOMISINA bilong polis, Gari Baki (piksa), i tok olsem ol kalabus i brukim haus kalabus long Lae, Morobe em i no gutpela pasin.

Baki i tok olsem nau ol polis bai lukluk long helpim ol kalabus.

"Mipela bai lukluk long infrastraksa insait long kalabus long sapotim ol woda long

mekim wok bikos planti bilong ol dispela infrastraksa em ol i bin wokim bipo tru.

"Mipela i nid long rausim ol olupela na sanapim ol nupela na dispela bai mekim wok bilong ol woda i isi liklik," Baki i tok.

Em i tok moa olsem planti lain i stap long kalabus em narapela samting long lukluk

long dispela bikos namba bilong ol woda i sot. "Mipela bai stretim ol bikpela hevi bipo long lukluk long ol liklik hevi.

"Ripot bilong ol i mekim wok painim aut i no kamap long desk bilong Komisina yet na long dispela astingting, mipela i no klia gut long ol woda ol polis i kilim ol kalabus lain," Baki i tok.

Edukesen Sekreteri i opim JIG Miting

Benorah C.Hesehing i raitim

SEKETERI bilong edukesen depatmen, Uke Kombra i bin opim Joint Implementation Group (JIG) bung blong nesanel dipatmen bilong edukesen (NHoE) na Bogevil Dipatmen ov Edukesen (BDoE) long asde.

Dispela bung bai i stap inap long tupela de olgeta insait long PNG Edukesen Institiut (PNGEI) long Pot Mosbi.

As bilong dispela bung em long

skelim ol edukesen polisi na wok we NDoE i bin lusim go long han bilong BDoE na Bogenvil gavman (ABG) long taim i go pinis, wantaim ol progres na salens ol i bin bungim.

Dokta Kombra i tok, i bin no gat dispela kain bung long tupela yia; olsem na dispela bung i kamap gen nau bai i mekim orait long ol long skelim olsem wanem ol i ran na wok bung wantaim gen.

"Ol JIG memba i no ken pun-

daun gen na mas wok bung wantaim insait long dispela taim bilong mekim dispela wok.

"Yumi mas lukluk bek na skelim olsem wanem yumi wok na bai i helpim yumi long wok gutpela moa yet," Dokta Kombra i tok.

Seketeri bilong BDoE, Dokta Justin Kechastin i strongim tok tok bilong Kombra, na i tok, pasin bilong lukluk bek na skelim ol wok i ran pinis na wok bung wantaim em i bikpela samting ol

i mas mekim.

Insait long dispela bung tu, Kombra i tok amamas long Australia gavaman, Australia Hai Komisin (AHC) long helpim long lukim olsem dispela wok i ran gut.

Em i tok amamas tu long ol wokman bilong long NDoE long ol gutpela wok blong ol.

Planti bilong ol lain husat i kamap long namba wan de, em ol JIG memba bilong BDoE.

Get smart. Get fast. Get turbo

Our newest & coolest addition to the Vodafone range.



bmobile | vodafone
The friendlier network

76003555 or 1555
connect@bmobile.com.pg
facebook.com/bmobile.Vodafone

www.bmobile.com.pg/devices

Vodafone Smart Mini 7, Vodafone Smart Grand 6, Vodafone Smart Prime 6, Vodafone Smart Turbo 7, Vodafone Tab Mini 7, Vodafone Smart Tab 4, Vodafone Tab Grand 6 (Keyboard included), Vodafone MiFi.

K299 only

NEW

- Android 6.0 Marshmallow
- 5 MP Camera
- 4G 2G, 3G & 4G ready
- 8GB Internal SD card Exp.
- Quad-core 1 GHz

Available at bmobile-vodafone stores & all leading retail outlets.

PORT MORESBY Head Office | Domestic & International Airport | Vision City | Waterfront-Foodworld | Koki Market | LAE Post PNG Building | MT HAGEN Post PNG Compound | GOROKA Bird of Paradise Hotel Suite 17 | MADANG Ela Emporium



Lukaut long STI na HIV/Aids long ileksen kempen

Loutova Siapea i raitim

KEMPEN long nesanel ileksen em i kamapin na planti ol kendidet i kamapim ol selhaus na kempen haus tu we ol man, meri na ol sapota i go bung, kamapim ol singsing na tu slip na kirap long dispela ol kempen haus.

Em long tromoi sapot long ol kendidet bilong 2017 ileksen long dispela wei, tasol i gathevi bilong em tu we planti man na meri tu bai i ken kisim ol kainkain sik nogut long dispela taim.

Wantok Nius i kisim ripot long Wait Haus Klinik long Kainantu long Isten Hailans olsem long 2012 jenerel ileksen, Wait Haus Klinik i wokim ripot bilong 200 HIV/AIDS kes long feskwota bilong yia long Kainantu yet.

Na liklik taim bihain long kamapim dispela ripot, namba i suruk i go antap hariap tasol long 700 kes long pinis bilong yia.

Ripot i tok sapos namba i ken suruk long Kainantu long mak bilong 200 na i go antap long 700 long 2012, 2017 em bai narapela stori, long wanem, taim namba bilong ol man na meri i go antap (population increase), planti man na meri bai i ken kisim sik Hiv/Aids.

Waithaus Klinik ripot i tok lukaut long ol arapela 7-pela distrik long provins na ol distrik long ol arapela provins long kantri i mas lukaut na was gut long ol yet long dispela taim bilong ileksen.

Na man husat i go pas long olsem HIV rispons (response) opisa long Wait Haus Klinik Luton Hamena i kamapim ripot olsem ol nupela kes bilong HIV/AIDS long Kainantu i wok long go bikpela namel long ol man na meri kribas bilong ol stat long 15 na i go antap long 30.

Em i tok, "Mipela long Wait Haus Klinik i luksave na kamapim dispela ripot bilong HIV/AIDS kes long 2012 jenerel ileksen. Faivpela yia em i go pinis na nau yumi kamapin long taim bilong narapela ileksen.

Na laip bilong planti ol man na meri em i stap nau long mak no gut. Olsem na mipela laik mekim strongpela singaut i go long ol dairekta bilong Pablik Helt na Disis Kontrol long Isten Hailans Provinsal Helt Atoriti long kamapim planti ol aweanes ektiviti long skulim ol man na meri long abrusim sik HIV/Aids long taim bilong 2017 ileksen", Hamena i tok.

Em i tok bipo long HIV/AIDS i daunim na kilim i dai planti ol yangpela man na meri long dispela taim bilong ileksen, nesanel na provinsal gavman i mas wok wantaim ol lain husat i stap long atoriti long kamapim ol awenes program long drama, yusim ol lokal na nesanel redio, tv na ol niuspepa (midia) long skulim na kamapim awenes long pasin bilong banisim o abrusim ol bagarap em HIV/AIDS na STI i ken kamapim.

Isten Hailans Provinsal Helt Atoriti i luksave long dispela ripot na i stat nau long kamapim ol plen long daunim dispela hevi long provins.

"Pasim rot bilong em i moa beta long stretim bihain long yu kisim sik," em i tok

Intenesenel Nes De:

Ol nes i selebret long Goroka... Moa long 500 nes bilong Goroka Provinsal Haus sik i bin bung na mas raunim ol rot bilong Goroka taun long long selebretim intenesenel de bilong ol nes stat long Trinde na pinis long Fraide long wik i go pinis.

Poto: Loutova Siapea.



Vote for PNG Air's SPECIAL FARES



Lae	↔	Kimbe	K 369
Lae	↔	Madang	K 339
Lae	↔	Kokopo	K 449
Lae	↔	Wewak	K 509
Madang	↔	Wewak	K 339
Port Moresby	↔	Daru	K 379
Port Moresby	↔	Goroka	K 399
Port Moresby	↔	Alotau	K 379
Port Moresby	↔	Mt. Hagen	K 399
Port Moresby	↔	Kimbe	K 429
Port Moresby	↔	Lae	K 339
Port Moresby	↔	Losuia	K 589
Port Moresby	↔	Madang	K 419
Port Moresby	↔	Misima	K 589
Port Moresby	↔	Popondetta	K 319
Port Moresby	↔	Rabaul	K 459
Port Moresby	↔	Wewak	K 469
Rabaul	↔	Kimbe	K 319

Fares are one way and for travel between 22nd May and 16th June 2017. Terms and conditions apply. Fares are booked in W Class. Seats are Limited. Sales period is 18th to 25th May 2017.



CENTRAL RESERVATIONS

Phone: + 675 7222 2151
TOLL FREE NUMBER 16111
Email: reservations@pngair.com.pg

Yauwe Moses Sekenderi Skul kirapim bek haus i paia

John Supa i raitim

YAUWE Moses Sekenderi Skul long Chuave insait long Simbu Provins i statim pinis wanpela bikpela fanresing draiv long painim K5milien long kirapim bek ol haus bilong skul we paia i bin kukuk long las yia 2016.

Bod Siaman bilong skul, Kimane Maki i go pas long dispela fanresing wok wantaim Prinsipel bilong skul, Kaupa Gomma. Mista Maki i tok skul bilong em i wanpela skul we i bin gro hariap tru tasol taim ol i lusim sampela bilding long paia, dispela i daunim tru wok bilong skul gen.

Wanpela nait long taim bilong Stet ov Orijen namba 2 gem long las yia, paia i bin kukim



Mista Kimane Maki, Siaman bilong Bod ov Menesmen bilong Yauwe Moses Sekenderi Skul. Poto: John Supa.

wanpela dabol deka domitori, oditorium o ples bilong miting na mes o haus bilong kaikai.

Mista Maki i tok taim ol dispela haus i go daun, skul i go bek gen long mak em i bin stap bipo long olgeta wok developmen i bin kamap. Nau ol i laik bekim bek ol dispela bilding wantaim nupela ol haus na bai ol sumatin bilong dispela skul i ken go bek long mak bilong ol wantaim ol narapela skul long kantri. Skul i mas gat olgeta samting olsem haus bilong kisim save inap long mak bilong gutpela edukesen.

Yauwe Moses Sekenderi Skul i gat 1,300 sumatin tasol namba i wok long go antap long olgeta wan wan yia. I gat 38 profesenel tisa i stap wantaim 20 ol sapot wokman na wokmeri long skul.

Mista Maki i tok skul Fanresing Komiti i bin kamap wantaim planti fanresing ektiviti long na skul nau i singaut long ol politisen, sponsa, dona na ol bipo sumatin bilong skul long givim mani i go long fanresa bilong skul.

Em i laikim ol dona na sponsa long save olsem namba wan fanresing ektiviti aninit long nem, "A Kina Drop" bai kamap long dispela mun, na bihain bai ol narapela rot we bai ol bipo sumatin long mekim.

Ol lain husat i laik givim helpim long dispela gutpela wok, ol i ken putim mani i go long Yauwe Moses Sekenderi Skul Fanresing Akaun Namba: 1001 - 714206, Benk Saut Pasifi.



Glasim Wokabout
wantaim
Rosa Koian

Olsem wanem na no gat marasin?

WANPELA meri insait long Mosbi i slip na tingim ol liklik pikinini bilong em na wari i stap. Em i sik 4-pela mun nau na planti tingting i ran long het bilong em.

Dispela meri i go i kam planti taim pinis long bikpela haus sik long Mosbi na ol nes na dokta i tokim em i no gat marasin. Dokta i save raitim nem bilong marasin tasol na tokim em long go baim long kemis.

Dispela pasin bilong raitim nem bilong marasin na givim sik manmeri long baim i givim hevi tu long ol. Planti i no inap long baim marasin. Dispela meri ya em i wanpela bilong ol sikmanmeri husat i painim hat tru long baim marasin bikos bikpela taim em i sik na i slip tasol na i no gat taim bilong maket na kisim liklik mani. Man bilong em i no save kisim bikpela pe. Sik bilong mama ya i mekim na tupela pikinini bilong em tu i lusim skul na stap tasol long haus bikos i no gat basfe bilong go long skul.

Yumi ken lukim nau olsem taim i nogat marasin long haus sik, na mama i sik longpela taim olgeta memba long famili tu i kisim hevi maski ol i no gat sik. Dispela em i no stret tru.

Skelim sapos sistem bilong lukautim sik bilong yumi i no inap long lukautim yumi moa bai yumi mekim wanem?

Gavman i gat wok long inapim olgeta haus sik long Papua Niugini tasol sapos namba wan haus sik bilong em long Mosbi i no gat tru marasin olsem wanem tru bai olgeta haus sik long ol provins i kisim marasin?

Sik em i save kam enitaim na em i save kisim bikpela manmeri, ol yangpela na ol liklik bebi tu. Olsem wanem na ol liklik haus sik i mas tok nogat long sikmanmeri bikos i no gat marasin? Olsem wanem na liklik bebi i mas kisim taim bikos haus sik i nogat marasin long helpim em?

Ol besik marasin olsem blong malaria, kus na sua i mas i stap tasol ol liklik haus sik i tok ol i no gat tru. Gavman em i asua nau. Bai yumi tok gavman inap lukautim ol pipel bilong em?

Papua Niugini i laik gro na i laik stap namba wan long sait bilong ikononi bilong em tasol sapos ol pipel bilong em i sik, olsem wanem bai ol inap helpim long groim dispela ikononi? Kantri bilong yumi i nidim ol helti manmeri na yumi mas painim rot long inapim olgeta haus sik wantaim marasin.

Sapos yumi no lukautim gut ol liklik sik bebi bilong yumi nau olsem wanem bai kantri i lukim ol helti manmeri long bihain taim insait long wokfos bilong em?

Ol pipel i no ken les na sindaun tasol. Yumi gat wok long tokim ol lida long dispela hevi. Tingim helti pipel em i min, helti ikononi.

Aiome hai skul givim saksak long ol sumatin

James G. Kila i raitim

AIOM Angliken Hai Skul insait long Midel Ramu distrik long Madang provins I sot long baim kaikai bilong ol sumatin olsem na bikpela askim nau i go long ol papamama na ol ples insait long Arabaka LLG we i stap klostu long skul long bringim saksak na ol arapela kaikai long helpim ol sumatin.

Kaikai I sot bikos skul I no bin kisim tuisen fi fri (TFF) mani sapot bilong em I kam long Nesenel Gavman olsem na skul I hat long baim kaikai long fidim moa long 400 sumatin skul.

Ripot *Wantok Niuspepa* i kisim long dispela wik i tok olsem sampela ol sumatin em skul i salim i go bek long ples pinis bihain long fes tem bikos no gat kaikai.

Arabaka LLG wod 4 kaunsila, Sextus Langame i bin bringim dispela toksave i go long midia long traim painim rot na helpim long sevim dispela ruel hai skul long Midel-Ramu distrik.

Em i tok nau yet Aiome hai skul i no kisim yet TFF sapot bilong gavman na ol sumatin i wok long kisim kaikai olsem saksak na arapela gaden kaikai em ol viles na hauslain long Arabaka LLG i bringim long holim ol sumatin i stap long skul.

Langame i tok edukesen bilong ol pikinini em bikpela samting tru na ol ples lain i sori long ol sumatin na helpim. Tasol kaikai ol i givim long fes tem em pinis, olsem na nau askim i go long ol papamama long bringim saksak long helpim gen skul inap long taim TFF helpim bilong gavman i kam long namba tu tem.

Aiome em wanpela hai skul tasol insait long Midel-Ramu distrik long Madang provins. Angliken Sios i bin kamapim bikos no gat skul i bin stap bipo long distrik na planti sumatin save go long ol narapela hai skul long ol arapela distrik bilong provins.

Long stat bilong las mun Seketeri bilong Edukesen, Dokta Uke Kombra i tok olsem 390 skul insait long Madang provins i no kisim yet namba wan kwata tuisen fi fri peimen i kam yet long Nesenel Edukesen Dipatmen.

Dokta Kombra i tokaut olsem ol lain husat i no kisim TFF em ol elementeri skul, praimer, hai skul na ol vokesinel senta.

Em i tokaut olsem bikpela as ol dispela 390 skul i no kisim TFF mani em bikos long asua long edministresen bilong ol yet long ol i no redim gut ol pepa wok.



UPNG skul ov Bisnis na Pablik Polisi (SBPP) leksera wantaim Vais -Sensela ,Profesa Alberet Mellam, na Eksekutiv Din,Profesa Lekshmi N.Pillai (namel lain bak-sait) Poto: AHC midia

Yunivesiti bai i tisim jenda ikualiti

Benorah C.Hesehing i raitim

SKUL bilong Bisnis na Pablik Polisi(SBPP) insait long Yunivisiti ov Papua Niugini (UPNG) bai putim jenda ikualiti go insait long kurikulum olsem nupela we bilong senisim pasin.

Vais-Sensela bilong yunivesiti, Profesa Albert Mellam i tok dispela skul i gat impoten wok long mekim long kamapim senis.

"Jenda ikualiti em i bikpela wari insait long kantri.

"Dispela nupela we bai i helpim long daunim dispela kain ol wari."

Eksekutiv Din bilong SBPP,Profesa Lekshmi N. Pillai i tok dispela em i rait taim bilong putim jenda ikualiti olsem

wanpela hap bilong karikulum.

"Gutpela sindaun mas sanap antap long rait prinsipel, praktis na polisi," Profesa Lekshmi i tok.

Dispela i bihainim wanpela woksop long jenda ikualiti we i bin kamap long yunivesiti ino longtaim igo pinis.

Ol leksera bilong bisnis i bin stap long dispela bung long lukim tru olsem ol jenda ikualiti i kamap hap bilong lainim ol sumatin.

Hetmeri bilong Bisnis Menesmen, Evelyn Kua i tok edukesen em i impoten long kirapim sans bilong ol meri insait long kantri.

"Jenda ikualiti em i no pasin tumbuna bilong yumi, em i wanpela salens osem na yumi

mas mekim wok long em.

Mipela mas wokim wanpela karikulum we bai i bungim dispela bruk namel long pasin tumbuna na sidaun tru bilong tude, Kua i tok.

Ol leksera bai i usim ol dspla autkam ol i kisim insait lo jenda woksop long promotim jenda ikualiti long skul blong ol.

Jenda Ikualiti em i hap bilong Papua Niugini (PNG) Gavman Jenda na Sosel Inklusen (GESI) Polisi, na Etiks na Veliu-Beis Eksekutiv Lidasi na Menesmen Kepebiliti Fremwok.

Em i wok bilong Papua Niugin (PNG) na Australia patnasip long kamapim niupela jeneresen wantaim

gutpela tingting na pasin insait long pablik na praivet sekta.

Gudbai lewa!

Mi nogat moa toktok...

Yu stap long han bilong papa God nau



Jada Wilson i raitim



“ Long Mother’s Day last wik Sande, mi misim yu tru..Long kain taim olsem, haus save nois stret. Ol bubu bilong yu bai ol i ron i go i kam, bai ol i helpim yu long sapim kaikai, stretim ol foil long yu bai mekim liklik mumu kaikai long dis..Bikos ol save olsem em i Mother’s De. De bilong yu stret...Tasol las wik long Mother’s De, haus em i kwaet stret, nogat nois..bel bilong mi pen long misim yu lewa..Mi no inap holim. Mi tingim yu na mi krai. Mi autim olgeta ai wara long misim yu long dispela spesel de bilong yu...Fada”

Long namba wan de bilong Epril 2017, meri bilong mi Carol Jada pasim ai. Em i gat kensa long nek na tang bilong em.

Long tupela yia i go pinis, Carol i konplen long pen i stap long baksait (wisdom) tit bilong em. Mipela i bin go long 3-mail dentis haus sik na ol i rausim tit bilong em. Dentis i sekim tit bilong Carol na tok, tit bilong yu ino bagarap, nogat hul o binatang i bagarapim tit bilong yu.

Mipela i ting olgeta samting i orait bihain long ol dentis i rausim tit, nogat, wanwik bihain, Carol i pilim olsem hap ples ol i rausim tit i pen moa yet.

Em i tingting long go bek long dentis na rausim narapela tit tu bikos pen i kalap long narapela tit klostu.

Mada Carol i painim hat long kaikai bikos pen long tit i moa yet.

Mi baim ol pen kila marasin olsem Stop Pen, Panadol na Aspirin long kilim dai pen so em i ken kaikai gut.

Wan mun bihain, mipela go long ENT klinik long sekim dispela pen i wok long kamap yet.

Ol salim mipela i go long patoloji long kisim blut tes.

Long namba wan blut tes, ol i no givim risal bilong blut tes bikos ol mas paulim o misplesim blut sampel bilong Carol long sampela hap.

Wan mun bihain mipela go na mada givim sampel gen.

Mipela go sekap long risal bihain long wanwik na ol tokim stret mada olsem em i gat kensa. Nogat moa toktok..

Carol em krai nogut tru taim dokta i tokim em olsem. Mi bin askim ol plis yupela sekim gut gen bikos las taim yupela paulim blut sempal bilong em, na ol i tok ol bai sekim gen. Mi givim namba bilong bikipela gel bilong mi Grace so ol i ken ringim em.



Funeral sevis bilong Carol Jada long Lealea village. Mipela planim em long 2-kilok avinun long Sarere 8th Epril 2017.

Tripela de bihain mipela no kisim kol long haus sik na Grace wantaim mama bilong em go sekap na painimaut olsem em i tru mada i gat kensa.

Long Fraide olgeta famili i bung long wanem we mipela i ken helpim mada long winim dispela sik kensa.

Ol dokta i toksave pinis olsem mada mas stat go tru long kisim kimo terapi.

Ol famili bungim mani long em go long namba wan kimo terapi bilong em.

Kimo marasin em i strong tumas we em i mekim mada i no strong moa.

Long dispela taim kensa i kalap pinis i go long nek bilong em na stat long baksait tang bilong em. Mipela traim ol hebol jius olsem aloe vera jius. K100 long wanpela botol jius, K600 long wanpela bokis.

Laip bilong mada em i impoten moa long mani. Ol pikinini pasim ai tasol na baim ol bokis jius. Tude mada go pinis tasol bokis jius i stap yet wantaim ol lepova botol we mada i no pinisim yet.

Mada em i painim hat long kaikai bikos tang bilong em i solap na sua stap insait long nek bilong em.

Em hat long toktok.. Long namba tri kimo terapi bilong em, mada i kisim bikipela bagarap bikos marasin i kilim planti ol gutpela sels long bodi bilong em. Em i no kaikai gut, em i painim hat long pulim win bikos nek i solap na pasim rot bilong pulim win.

Long las yia fes tem holide las boi bilong mi Dillan i kam daun long Wewak long stap klostu long mama bilong em. Klostu krismas olgeta famili i kam spendim krismas wantaim Dillan na famili long Rainbow..Mada em amamas tru.

Long Febueri dispela yia 2017, mi karim mada i go long haus sik bikos em i no pulim win gut na kaikai gut.

Mipela edmit long Wod 2D long mada bai go insait long sejeri..Mipela stap 2 wik olgeta long wetim sejeri tasol..Long dispela 2 wiks, mada i no kaikai, yu no inap bilip tasol mi ai witness, hau bai em i no kaikai long tupela wik??!! Em stap long drip na mofin tasol! Mofin em strongpela marasin we bai stopim pen long bodi bilong yu na bai yu silip isi.

Mi save lukim em olsem, mi holim em na krai isi tasol na tok-

tok long yau bilong em, God i stap wantaim yu lewa. Yu stap long han bilong Papa.

Long de bilong operesen, mi holim mada na pusim em i go long tieta wantaim dokta. Long hap holim han bilong mada na tok, mi lusim yu hia nau. Yu stap long han bilong ol dokta nau..Em holim han bilong mi strong na lukluk long ai tasol..Em i toktok tasol nogat wanpela saun o nois i kamaut long maus bilong em..Mi tok mi bai wet ausait..Em 8-kilok nait.

Tripela aua olgeta em i stap long sejeri..Mi tasol mi sindaun ausait long traipela nait we nogat wanpela nois. Mi lukluk i go long Wod 7 ICU. Dokta na nes insait long wod i wok i stap long stretim ol sikmanmeri.

Haus sik nau em ol yangpela dokta na nes i pulap. Ol i wok gut tru. Mi laik tok long long ol gutpela wok ol i mekim. Haus em kamap klin bikos ol wokmanmeri long hap i save wok hat tru, dei shift na nait shift i klinim haus sik. Ol sekuriti tu strong long mekso yu gat pas long kam insait long stap klostu long sik famili bilong yu.

Dokta i putim wanpela tiub long nek long mada i ken pulim win gut. Narapela long bel bilong em long em i ken kaikai gut..Mi na pikinini bilong mi Henry Jada (Jux) i wok long fidim mada wantaim sup long injeksen tiub.

Mipela i lusim haus sik long Mas 28th. Mi ksim mada long teksi i go long haus stret. Em painim hat nau long wokabout bikos bodi bilong em i slek olgeta bikos em no kaikai long tupela wik na em go long operesen. Mi holim em gut na fosim em long wokabout i go insait long haus, em i no long we tasol mada em painim hat long wokabout. Em i laspela wokabout bilong em. Mipela stap wan wik..Mipela wasim em, senism em, fidim em, givim sut marasin. Olgeta nait bai mi

holim han bilong em taim em silip, bai mi krai isi isi tasol na tok, Lewa, God i stap wantaim yu...

Fraide belo, bik boi bilong mi ring, dad mipela laik senisim mami tasol em les, em laik yu kam na senisim em. Orait tokim em wetim mi, bai mi kam raun long 3-kilok na senisim em. Long 4-kilok mi stap long haus pinis..Mi apim mama, sindaunim em long sia na mipela klinim bet, putim ol gutpela waitpela betsit na pilo kes. Mi rausim ol deti klos bilong mada na senisim wantaim klinpela sket..Mi apim em na silipim em long klinpela bet bilong em. Em fil fres na nogat pen olsem bipo. Em i pasim ai na silip isi tru. Em i filim gut stret. Mi ken lukim long pes bilong em. Mi givim kaikai sup bilong em long tiub..em i las de bilong em..

Sarere moning mi kirapim em long givim kaikai. Em i opim ai bilong em isi tru na lukim mi, em opim han bilong em long mi holim. Mi holim na rabim isi tru. Em pasim ai gen. Em i lastaim bilong em. Long 4-kilok apinun, mi tokim elda san long putim was long mama na mi go daun baim liklik kaikai bilong em long Stop n Shop..

Taim mi kam bek wantaim kaikai long 5-kilok stret long hausdua bilong mi, Junia ran i kam utsait na tok, dedi hariap, mami i no moa pulim win! Mi ran i go holim em, apim em na paitim bros bilong em mekim lewa bilong em i ken wok gen..Mi rausim tiub long nek bilong sekim sapos kus i pas, nogat, tiub em klin stret long taim mi klinim long asde Fraide na stap olsem yet..

Carol Jada em pasim ai long Epril 1st 2017, Epril Fools De stret. Em giamanim mi long go painim kaikai bilong em na em pasim ai..LUV YU LEWA.. Mi misim yu long Mothers Day!Dad Jada.

Tenkiu Femili long yumi traim bes bilong yumi long seivim Mada..TENKIU!





The Giluwa Nius

To contribute to this page, contact MY Media & News Agency on mobile: 70747450

Tambul-Neblyer studens i laikim nupela memba

MY Media & News Agency

MOA long 2,000 sumatin bilong Tambul-Neblyer distrik insait long kantri na ovasis I peim nominesin fi na endosim Gabriel Andandi olsem wanpela kendidet bilong Tambul-Neblyer Open Sit long 2017 eleksen.

Moa long 70-pela sumatin long ol bikpela skul olsem Diwain Wud Univesiti, UPNG, Goroka Univesiti na ol narapela bikpela skul I bin kamap long Tambul stesin insait long WHP na peim nominesin na endosim Gabriel Andandi long ai bilong Ritening Opisa (RO), Philip Kansol long salensim memba nau, Benjamin Popenawa.

Olgeta sumatin I kontribuit na peim nominesin fi bilong Gabriel na tu endosim em long soim olsem ol i laikim nupela lida husait I bai luksave long education bilong Tambul-Neblyer i kamap nambawan.

Dispela disisin bilong ol sumatin I bin kamap bihain long Gabriel I bin kamap nambawan man insait long Tambul-Neblyer long peim skul fi bilong olgeta sumatin bilong Tambul-Neblyer insait long olgeta univesiti na koles long kantri na ovasis. Dispela skul fi program i bin kamap long 1997 I kam inap 2017 na bai go moa yet.

Gabriel em yet I wanpela tisa bipo na I luksave olsem edukesin bilong ol pikinini Tambul-Neblyer na kantri I nambawan samting long kamapim gutpela sindaun na divolopim kantri igo antap.

Long dispela yia, Gabriel Andandi I bin basetim K5000,000. we I peim fi bilong moa long 1,500 sumatin bilong Tambul-Neblyer in-



Madang Tisa Koles sumatin bilong Tambul-Neblyer, Ismael John I sainim fom long nominetim Gabriel Andandi makim olgeta sumatin bilong Tambul-Neblyer insait long kantri na ovasis.



Gabriel Andandi I toktok long ol pipol long Tambul stesin bihain long em i peim nominesin fi

sait long kantri na ovasis.

Ol sumatin husait I bin kamap long Tambul stesin makim maus bilong moa long 2,000 sumatin bi-

long Tambul-Neblyer I tok ol i gat bikpela tingting long sapotim na endosim Gabriel Andandi taim ol i luksave olsem policy bilong educa-

tion we Gabriel I promotim em bikpela samting insait long distrik na kantri.

Ismael John, sumatin long Madang Tisa Koles I tok olgeta papa na mama bilong Tambul-Neblyer I mas luksave olsem ol i gat pikinini we I stap long skul long sapotim Gabriel long kamapim lidasip we I promotim education.,

President bilong Tambul-Neblyer sumatin long Divine World Univesiti, Steven Wanis I tok edukesin em wanpela bikpela samting insait long laip bilong olgeta manmeri na ol sumatin I hamamas long sapotim Gabriel husait I luksave long gutpela bilong edukesin insait long distrik na kantri.

Mista Andandi I gat Masta Digree na I bin wanpela tisa bipo na bihain em I bin wok wantaim UN. Tete em I wanpela bikpela bisnisman long kantri.

Ismael John I makim maus bilong olgeta Tambul-Neblyer sumatin na endosim Gabriel Andandi long Monday Epril 24 long abinun we RO, Philip Kansol, Gabriel Andandi na ol narapela lida I bin witnesim.

Long bikpela bung na toktok we I bin kamap, John I tok ol sumatin I wanbel stret long peim fi na endosim Gabriel Andandi long ol

bikpela skul fi asistent em I bin givim stat long 1997.

"Taim yumi gat planti skul manmeri bai yumi lukim bikpela divolopmen, na lo na oda problem bai nogat stret,"

"Mipela ol pikinini bilong bihain taim I laik kamapim gutpela sindaun na ples I mas stap pisful. Em tingting stret bilong Gabriel na mipela I laik em I mas winim dispela eleksen na mipela I mas gat planti save manmeri," John I tok

Steven Wanis I tok Gabriel Andandi I strongpela lida wantaim gutpela save na wisdom long helivim ol papamama bilong mipela na nogat wanpela man or meri I ken mekim olsem wantaim mani bilong em yet.

Cyndrile Paki long Universiti of Goroka makim maus bilong olgeta meri sumatin I tok Gabriel I kamapim gutpela tingting long helpim ol sumatin na tu long kirapim ol planti save meri long distrik we ol meri tu I ken soim tru olsem ol I ken wok na kisim save olsem ol man.

"Mi gat 7-pela brata na susa. Olgeta I skul. Tasol papa na mama bilong mi nogat wok na taim Gabriel i helivim mipela, dispela I mekim olgeta samting isi long family bilong mi na mipela gat bikpela hamamas," Paki I tok

Gabriel Andandi I tok em I gat bikpela tingting long luksave olsem I mas gat planti save manmeri long Tambul-Neblyer na em bai sapotim yet sapos em I no winim dispela ileksen.

"Sapos mi win bai I gat bikpela luksave long edukesin bilong ol pikinini Tambul-Neblyer na ol papa na mama I mas save gut long dispela," Mista Andandi I toktok.



NORMAN FINANCE LIMITED
Financial Solution Providers for a better future

Norman Finance Limited

P.O. Box 891, Waigani, National Capital District
Phone: (675) 326 3281, Fax: (675) 326 3281
Email: gandandi@hotmail.com



GST #
18351

Interest rates are reasonable:

We offer

- Low Interest Rates
- Efficient Services
- No Service Fees
- No Default Fees
- No Processing Fees
- Rebate on Early Settlement
- Service within 36 Hours

A Subsidiary of Universal Service Limited

WANTOK
KOMENTRI

Wan wan memba i mas gat opis long ilektoret bilong em

BIKPELA wok bilong kempen long 2017 nesnel ileksen i wok long kamap strong nau long olgeta kona bilong kantri. Yumi wok long harim ol kain kain gutpela promis i kam long maus bilong ol kendidet. Ol i tokaut long ol gutpela wok na polis bilong ol long taim ol i kamapim gavman.

Ol i toktok long givim fri eduk-sen, fri helt, rausim pasin bilong korapsen, sanapim moa skul na haus sik na ol rot na bris na strongim wok egrikalsa na helpim wok bilong sios na wok bilong ol meri na pulim ilektrik pawa i go long ol ples na bringim wara saplai i go long ol pipel na planti arapela moa promis.

Dispela em ol kain promis i save pairap long yau bilong pipel long taim bilong olgeta ileksen.

Orait, long taim ol i winim ileksen na go long palamen, planti bilong ol i save painim haus long Mosbi na lusim ting long go bek long ilektoret bilong ol. I no gat opis bilong memba i stap long ilektoret olsem na sapos ol pipel i laik lukim em, bai ol i mas baim tiket i go daun long Mosbi na go olgeta long Palamen na lukim memba long opis bilong em long hap. Sapos ol i laki bai ol sekyuriti i larim ol i go insait. Tasol planti taim ol pipel i save sanap ausait olsem ol tarangu pipia lain bikos sekyuriti i kisim oda long no ken larim ol pipel i go lukim memba long opis sapos ol i no gat apoinmen long lukim em.

Sori tru olgeta manmeri bilong ples, memba bilong yumi no save stap long hia..Em i save stap long Mosbi tasol. 5-pela yia nau..Mi kam hia long rekim ples, na klinim insait long opis tasol..



Jada 017

Dispela kain pasin we memba i save hait long ol konstituensi o pipel long ilektoret bilong em i mas stop nau. Olsem na ol pipel i mas askim ol dispela kendidet long promis long sanapim opis bi-

long ol long ilekoret na wokim ol long palamen we i strongim dispela pasin bilong sanapim ol ilektoret opis bilong wan wan memba. Mani bilong ranim ol dispela

opis i ken kam long DSIP na ol arapela pablik baset program gavman I save skelim long wan wan memba. I mas i gat lo i tok wan wan memba i mas gat opis long ilek-

toret na i mas gat ol wokman i ranim opis. Memba yet i mas soim pes tu na lukim ol pipel bilong em.

Yumi bihainim pasin bilong westiminsta palamenteri demokresi tasol i gat ol kain samting olsem opis bilong memba long ilektoret, yumi no lukim yet.

Ol arapela kantri husat i gat gavman em pipel yet i makim long fri ileksen, i gat opis bilong memba. Ol i save em i rait bilong ol pipel long kamap long opis bilong memba na putim wari bilong ol. Na olsem wanem long yumi ol pipel bilong PNG?

Sapos ol politikel pati i gat dispela polisi, orait mobeta ol i tokaut nau long ol pipel bai yumi ken save.

I mas gat opis long ilektoret bilong memba. Na i gutpela tu sapos ol pipel i opim maus na askim ol kendidet long wanem tingting bilong ol long dispela samting tu.

I luk olsem long ol kempen i wok long kamap nau, ol kendidet tasol i sanap na autim ol promis bilong ol.

Ol i no givim sans long ol pipel i askim ol kwesten. Nau em i sans bilong askim ol kwesten long ol dispela kendidet, bikos long taim ol i win na i go daun long Mosbi bai i no isi long lukim pes bilong ol sapos yu no gat apoinmen.

Nau em ol kendidet i painim vot bilong yu olsem na em i sans tu long askim na kisim tingting bilong ol long ol kain samting olsem.

I no gat kontrol long ol giaman nius long sosel media

I GAT planti komplek i kamap long ol pipel i yusim sosel media long salim ol giaman toktok i go kam. Sosel media em i nupela rot bilong givimaut nius long wanem kain samting sampela man o meri i lukim.

I no gat ol lo i bosim pasin bilong yusim dispela nupela pasin bilong givimaut nius. Ol niuspepa na televisen na redio i gat lo i bosim wok bilong ol.

Tasol nupela teknoloji i kamap na nius na infomesen i kamap long dispela nupela rot i no gat kontrol ol lo i bosim ol.

I gat ol lo bilong NICTA em ol polis i ken yusim long kotim ol pipel sapos i gat komplek i kamap.

Planti ol man na meri tu i kamap pinis long kot long ol teks nogut long mobail fon. Tasol sosel media olsem



facebook na whatsapp na twitter em nupela kain media i no gat kontrol long ol.

Nau em i taim bilong nesnel ileksen na i gat ol kain kain pipel i stap husat i wok long yusim sosel media long salim ol giaman toktok i go kam.

Sampela i yusim dispela kain rot long bagarapim gutpela nem bilong ol kendidet, sampela i yusim long bagarapim wok bilong gavman na mekim ol nara-

pela paul toktok.

Yumi save olsem ol pipel bilong PNG i save bilipim wanem kain tokok ol i lukim long niuspepa o long sosel media na bai ol i hariap long salim tok i go long ol nara-pela poro o famili bilong ol.

Em nau bai ol giaman toktok i kamap long planti manmeri tru na bikpela stori tru i kamap, maski sapos em i no trupela toktok.

I gat ol lain i wok long givim gutpela stia toktok long ol yut na arapela manmeri long ol gutpela na nogut bilong sosel media na

wanem kain hevi i save kamap long laip bilong ol pipel sapos yumi no yusim gut.

Ol skul i wok long go pas long mekim dispela wok. I gat ol sios grup na ol arapela grup tu i givim skul long dispela samting.

Yumi ol manmeri i mas skelim yumi yet – bai yumi amamas sapos yumi lukim nem bilong yumi i stap long ol dispela giaman nius, o nogat. Ating bai nogat ya.

Olsem na mobeta yumi skelim tingting gut pastaim long putim ol stori long sosel media.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantokniuspepa.com

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Frieda Sila Kana

Printed and Published at:
Dove Travel Building,
Level 2, Section 24, Lot
25, Angau Drive/ Lahara
Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Ol studen i skul long toktok long pablik

OL student Savio Haus long Bomana Semineri i bin laki long kisim save i kam long tupelo manmeri, Fred na Norma Gomes bilong Brisbane, Australia, long wanpela semina.

Dispela foapela de semina i bin toktok long Oral and Verbal Communication o pasin bilong harim na toktok gut.

Ol i skulim ol dispela studen long pasin bilong toktok gut, wanem kain ol ha tok long yusim na luksave long husat ol pipel ol i laik toktok wantaim.

Long olgeta sesen, ol student i bin raitim 4-pela o faivpela toktok long ol kainkain topik. Ol istretim gut na sanap long i bilong klas na mekim ol dispela toktok.

Fred Gomes i bin tokim ol long lukuk long eksperiens bilong ol yet na toktok long en.

Ol studen i lainim tu long pasin bilong tok klia long ol toktok long tok Inglis. Ol i lainim pasin bilong foniks na ol i amamas bikos dispela nupela rot i helpim ol long



Ol lain bilong misin grup: Lephon i go long raithan: Joshua Tarere, Michael Tuka, Peter Kamara, Pius Yawalele, Fr. Alfred Maravilha, Fr. Pedro Sachitula, Justine Mautu, and Raphael Gobi.

mekim stret ol toktok long tok Inglis.

Wanpela bilong ol studen, Justin Mautu i tok fonetiks kos i mas

kamap long ol elementeri na praimer skul long helpim ol studen i lainim gut tok Inglis.

Ol dispela studen i wok long skul

long kamap ol Salesians na ol tisa. Bai ol i yusim ol dispela save ol lainim long dispela semina long helpim ol arapela.

CBC PNG/Solomon Ailan holim Enuel miting

Fr. Andrew Bili Rosi – Holi Spirit Semineri Daiosisen Koles i raitim

SIKSTIN (16) bisop bilong Katolik Bisop Konpres (CBC) PNG/SI i bin stap long Jeneral Miting bilong ol bilong Yia (AGM) long Don Bosco Teknikal Institut long Pot Mosbi long stat bilong dispela mun.

Long pinism dispela AGM, ol i bin gat Misa long Holi Spirit Semineri Sapel long Bomana. Nupela Presiden bilong ol, Most Reverend Rochus Tatamai, msc; Bisop bilong Bereina Daiosis i bin go pas long dispela misa.

Long stat bilong Misa, Bp Rochus i tok, long pinis bilong ol miting bilong ol, ol bisop i save tingim ol Bisop i dai pinis.

Ol kolim ol nem bilong ol bisop i dai pinis inap samt-ing olsem 50 bisop olgeta, i stat long kamap bilong Katolik Sios long PNG/SI i kam inap nau.

Ol pater na ol sumatin bilong CTI i bin amamas stret long misa wantaim ol bisop, tasol moa yet long ol sumatin bikos em sans bilong ol long toktok wantaim wanwan bisop bilong ol.

Ol sumatin i bin hama-mas wantaim Presiden bilong CTI long wei em i setim ol tebol bilong apinun kaikai bikos wan wan tebol i bin gat bisop na ol sumatin i bin sindaun



Ol bisop i raun long taim bilong AGM.



kaikai na stori wantaim ol. Sumatin i makim ol i bin tok tenkyu long CTI Presiden long ogenaism dispela kain bung na presiden i tok tenkyu long ol sumatin moa yet long ol Bisop i makin CTI long kam pinisim bung bilong ol long CTI.

Most Rev Rochus Tatamai, msc; Bp bilong Bereina Diocese na Presiden bilong CBC PNG/SI i bin givim strongpela tingting na wok salens bilong autim Trupela Tok bilong God o evanjelaisesen long ol pipel bilong God long

Papua Niugini na Solomon Islands.

Dispela salens em presiden i bin tromoi i go long ol brata bisop bilong em tasol moa yet long ol glasman o fometas tisa o ol profesa na leksera na ol sumatin bilong CTI.

Long pinis bilong olgeta samtng em i tok tenkyu na givim blessing bilong God long olgeta manmeri na pikinini husat i bin stap long dispela taim.

Olgeta i bin go long wanwan ples bilong ol wantaim bikipela amamas.

Presiden bilong CBC, Most Rev Rochus Tatamai, msc; Bp bilong Bereina Daiosis i go pas long holim misa bilong pasim AGM bilong ol bisop. Foto: Fr. Jazek



Yut, Meri na Famili

Pastor Barbara Lunge

Larim Papua Niugini i pulap wantaim Glori bilong God

“Yupela dua, yupela op, Yupela dua bilong bipo tru, yupela op bikipela, bai nambawan king i ken i go insait. Nambawan king, em husat? Em God wanpela tasol. Em i gat bikipela strong tru, na i save win long ol pait. Yupela dua, yupela op. Yupela dua bilong bipo tru, yupela op bikipela, bai nambawan king i ken i go insait. Nambawan king, em husat? Em dispela God i save bosim bikipela lain ami. Em wanpela tasol em i nambawan king.” Buk Song 24:7-10

Yumi lukim ol pawa bilong pasin nogut i wok long go strong i go antap long skai karamapim nesen PNG. Tasol yumi ol Kirsten i mas no ken stop long pre na kraik long God long kam insait long tromoi, bagarapim na pinisim olgeta strongpela banis bilong satan na pawa bilong em we i pasin ol ples bilong yumi.

God i harim kraik bilong yu pinis na em i tok olsem kot bilong em i kam klostu pinis. Wankain taim i bin kamap long Israel long taim bilong Daniel bai kamap long yumi tu.

“Dispela kain rait i bin kamap, ‘Dispela tok i olsem, ‘Kaunim, Kaunim, Skelim, Brukim.’ Na as bilong dispela tok ‘Kaunim i olsem. God i kaunim pinis hamas de bai yu stap king. Nau em i las de bilong yu. Dispela tok ‘Skelim’ i olsem. God i skelim pinis pasin bilong yu na skel bilong en i soim olsem yu no save mekim gutpela pasin. Na dispela tok ‘Brukim’ i olsem. God i brukim pinis kantri bilong yu na em i tilim hap i go long ol Midia na hap i go long ol Persia.” Daniel 5:25-28.

God i skelim ol long skel na painim olsem ol i sot yet long pasin bilong kamap gut. Em i kaunim ol de bilong kot bilong en. Olsem na ol Kristen i mas sanap yet long namel long pre long ol ileksen i kamap long ol stretpela lida bai kisim pawa. Mekim ol tok profet i go long win na skai.

“Na taim yu pasim tingting long mekim wanpela samtng, orait God bai i larim yu i mekim dispela samtng i kamap gutpela. Na God bai i mekim sindaun bilong yu i pulap long amamas.”

“Bikipela bai i kam olsem bikipela wara i tait taim win bilong Bikipela i kirap na sakim wara na mekim wara i ran spit tru. Na ol manmeri long olgeta hap bilong graun stat long hap sankamap na i go inap long hap san i go daun, ol bai i save long strong na biknem bilong Bikipela na ol bai i pret long nem bilong en na ol bai i aninit long en.” Aisaia 59:19

YUMI olgeta holim han wantaim antap long olgeta hap bilong dispela kantri na singautim heven long kam daun!!

Polis fos tok gutbai long Gren Sief Somare



Polis stail long tok gutbai long ol bik manmeri. Ol polis manmeri sanap long sait sait long salut long Gren Sief Michael Somare taim em ran antap long open bek kar na salut long ol.



Gren Sief Somare i tromoi han long ol manmeri.



Ol opisa na polis manmeri i mas long fran bilong Gren Sief Sir Michael Somare.



Gren Sief Michael Somare i mekim las salut long ol polis manmeri.



Komisina bilong Polis Gerry Baki i givim bainat long han bilong Gren Sief Somare olsem presen bilong em i kamap long olgeta polis manmeri long PNG.

Nicky Bernard i raitim

MOA long 6,000 polis manmeri tok gutbai long Gren Sief Sir Michael Somare long Bomana Polis Kolis long Pot Mosbi las wik.

Polis Komisina Gerry Baki i makim maus bilong olgeta polis manmeri na famili bilong ol long tok tenkyu long Sir Michael Somare long bringim Independens.

Mista Baki i tok Somare i mekim bikipela wok long bringim kantri long sanap em yet olsem wanpela independen kantri.

Em tokim ol polis manmeri tu olsem Gren Sief Somare em wanpela pikinini bilong polis man. Papa bilong em i

polis man long taim Australia bin lukautim PNG.

Sief Somare tu i kamap petron bilong Blu Kumul Soka Klap taim ol pikinini bilong em bin join klap long pilai soka. Long dispela taim Gren Sief Somare i kamapim Bulbif Klap na mekim i go bikipela tru.

Komisina bilong Polis Gerry Baki i tok save long olgeta polis komanda na provinsal polis komanda long kam long dispela bikipela polis pered long Bomana.

Gren Sief Sir Michael Somare i tok em bai i no inap lus tingting long dispela polis pered long wanem ol polis manmeri bin mekim gut tru long tok gutbai long em.

Em tokim ol polis manmeri tu long mekim wok bilong ol gut long dispela ileksen long wanem olgeta manmeri bai putim ai long wok ol i mekim long taim bilong ileksen.

Polis Komisina i givim wanpela presen long Gren Sif long makim maus bilong olgeta polis manmeri bilong Papua Niugini. Dispela presen em wanpela polis sod o longpela bainat we ol opisa bilong polis save yusim long pered o mas long en.

Somare i tok dispela bainat bai em putim long liklik Musium bilong em long Wewak wantaim ol narapela presen ol pipel i bin givim em.



K4000 a month or Negotiable!

Rainbow Units on Rent

Inside Wantok Compound with security gate

Upstairs - 2 Bedroom & 1 Study room

Downstairs - Lounge, Kitchen & Toilet/Shower facilities.

All white goods available.

Ample parking space, front lawn has best recreation area for barbaque and family gatherings.

4 units available for rent.

K4000 a month or Negotiable!

Call Word Publishing and ask for Buana Ragela on PH: 325 2500 or Mobile:70682533 to inspect the site.

Kukamba kamap

STORI BILONG TUMBUNA



Bipo tru tupela boi i gat mama wantaim papa. Tasol mama wantaim papa tupela i dai pinis na ol i planim bodi bilong papa longwe long haus. Na bodi bilong mama ol i planim em aninit long haus bilong tupela. Ol i putim nating aninit long haus. Na tarangu tupela i no gat kaikai na i stap. Ples tupela i stap long en ya i no gat pipel i stap long en. Tupela tasol. Oloman, hangre i painim tupela. Tasol wetim bodi bilong mama i ken sting pastaim. Na ol i laik go long narapela hap tasol ol wetim mama i stap i go. Na mama i sting, tasol het i no sting, na tupela i was i stap. I go, i go na namba wan brata i kirap i go na lukim het bilong mama bilong en. Em i go na lukluk gut na em i lukim wanpela liklik samt- ing i kamap insait long het bilong mama bilong en. Na kwik taim em i go na tokim brata bilong en na tupela i kam lukluk.

Sampela de bihain ol i kam, na em i kamap bikpela pinis. Na narapela taim ol i kam lukluk gen ol i lukim kukamba. (Tok ples bilong mi i olsem Kimit.) Olsem tupela i stap na lukautim kukamba i stap, i go na em i karim kaikai nau. Na tupela i putim olsem yumi i no ken katim namba wan kukamba, rop i karim pes. Ol i stap i go na oloman, hangre i kukim tupela na ol i laik katim pes kukamba. Na pes brata i laik katim tasol i pundaun long graun na ol i laik go kisim. Tasol kukamba ya i rol i go na tupela bihainim dispela kukamba i go i go. Na ol i laik go kwik na pasim rot na holim dispela kukamba, tasol kukamba ya i wok long trikim tupela. I go i go i go na ol i kamap long wara na dispela kukamba ya i bihainim wara i go daun. Na tupela i laik holim tasol i no inap long tupela. Ol i wok long bihainim i go na dispela kukamba em tu em i wok long trikim tupela.

i go i go tupela i kam olsem 200 mail samting na ol i kam long ples wara i kapsait. Na pes brata i putim spit tasol i go na pasim dispela wara. Na nau dispela kukamba ya i no gat rot long i go na em i kamap olsem lapun meri. Na tupela i kros nogut na i paitim dispela lapun meri na kilim em i dai. Ol i kilim em i dai na ol i brukim em liklik. Na ol i lusim na i go liklik. Dispela lapun em kirap wok- about i go lukim tupela gen na ol i kros nogut na kilim em i dai gen. Ol i brukim em liklik tru na putm mit bilong en longwe olsem 1 mail samting na ol i go. Na dispela lapun meri kirap na wokabout i go lukim tupela gen. Ol mekim wan kain tasol i go i go i go inap 15 taim. Na pes brata i gat gutpela tingting na em painim wan- pela longpela ston olsem 2 mita long. Na em i tokim brata bilong en. "Yu karim dispela ston i go na kukim long hap. Na yu holim long

en. Yu no ken kukim". Em i karim dispela ston i go na pes brata wetim dispela lapun meri. Taim dispela lapun meri i kam antap, em tokim em, yu hangre o nogat? Boi ya em askim em olsem na lapun meri em i tokim boi: mi hangre tru. Na boi em i tokim em olsem: mitupela i stap hia na wetim brata bilong mi long bringim kaikai. Oloman dispela lapun meri i ting i tru, na i amamas i stap. Taim pes brata i lukim brata bilong en i karim hot- pela ston i kam, em i tokim lapun meri: yu opim maus na pasim ai bilong yu, na mi ken givim kaikai long yu. Na man, dispela meri em ting em i kaikai olsem na em i opim maus bilong en na ol i putim dispela hotpela ston i go insait long maus bilong en na em i dai pinis. Tupela i kam bek long haus na wok long kaikai long ol dispela kukamba i go. Na tupela i spak na tupela pait i go i go i kam i go i kam na tu- pela i dai.

Em nau! Ol pikinini i ken painim rot i go long ples wantaim Wantok lain...



PAINIM WOD PILAI

Ol wod lista:

- ANTAP
- ARATAIM
- BAINAT
- BELHAT
- MARBEL
- BRUM
- DAIMAN
- DUTI
- FAIVKONA
- GAVMAN
- GUTNEM
- HANWAS

- KAIKAIM
- KANDERE
- KISIM
- LIMBUM
- MILIS
- PRESEN
- SISTA

- SOIM
- TATANGU
- WANWIN
- YELO
- RAUNPELA
- SAREPIM
- PASMAN

E O R Z R H I M F P A E E C T E M N E R Z T E V R
O A P I N B H K S S L J H Q A A E D P I C U K A D
T D F R R E A B A H D N A M P E M H C W B N S K G
F B R U M A R B E L A E G Q T K D B H I S G G S P
O S R Z H S L A T M I N R Q M V I O E E T S E S U
Q E T R F D G F S P S A W G E X P G E R A G T E T
I F F Q P I C A C F P E L A P T S E M L S D D J J
Z W A N T A P I V R A N O T S T L S S A A I Z J G
S O P U K K I S I M W I P G X O D A H A A C I S E
G H D N A F T E I O A I V L M A C R L S N H S U F
L N L O N J A A U U N N T K S E G E O D X V W S D
E E S E D R T R T T W F N A O O P P O K N M Y E A
T I R P E A A S G O I D T I G N I I R C E A A E E
I N G J R K N Y I K N A M K U Z A M G E C F U T A
C B H A E B G M E S H I S A T G I Y S A S F E E E
B A T X D N U E Y L T M R I N D W C W A M E B N E
K P G J O B L E E O O A R M E R F A G C C L N W T
K P C K M B S B B A I N A T M C M O N H C Q N I E
L O M I L I S A O A O G I Z D P C H E P V I D S T
L H L C E M M D C A E F D N Z S V H X K R U W Z D

Ansa bilong Wod Pilai isu 2225

I R N N E E H E R F N I E D A K C R U S J E P L C
S L I W S Y D B M S O Y O K X A B G P E S T O D E
E P A O Q E F N Q Z X S I C O N L N F K N L G M C
Q H E D I I Y A A H T O O R K D S E C E O G I P M
S Q A L E Y O D T Y K A R U K A N L P P L L V N S
L I L A E A K S H L S Q M I H I N F G M I E P
E O C W L A S Y J I E A E U L M T N N N E D M I E
H B J I I E N A A I R E A V O A X D F T T S N U T
E W D G G E O F O S O H J K I L P A N A A F A F F
S C I Y M W A B T I L O E F H T T U E M I P F C E
I M Z A Z D O A L U K A U T T V A N K S E A N R I
V O S Q O U E I F E T K E O I M A U R P K I O R L
I K R G H N W E T I M F A A K B G R S C U R O D E
L T Y R E F T I R J S P F I T I Q U F T X K Z C O
M N S J T E A A O A E A B E G T I A G G R M L N K
W R N C H S B Q D I J I U W A N J A S I M A L U T
Z B H B N E I C F D M T T G S R T X Z R B E L Y O
Y O A G M E A U P A R A O S U L R P U L N S T I B
N T R E T E W M C N L N M G A J I T A E A S O A
E O G L O X A B W E E D A I T C F B U E O R P F R



TOK PISIN NEWS from Radio Australia radioaustralia.net.au

Harim TOK PISIN long Radio Australia 101.9FM Port Moresby

Tok Pisin Service 6am - 7am 6080; 7240(KHZ) 7pm - 9pm 5995; 6020; 9710; 1280(KHZ)

Sevikel kensa i wanpela bikpela wari long PNG



Ol meri i harim toktok bilong sevikel kensa long ol lain bilong PNG Cancer Relief Society.

Sam Seke i raitim

KODINETA bilong PNG Cancer Relief Society i tok sevikel kensa o kensa long bilum bilong bebi long ol meri i kamap wanpela bikpela wari long Papua Niugini.

Grace Ruddaka i tok em i wari tu long wanem, planti meri husat i gat sevikel kensa

i no save ol i gat dispela sik inap long em i tuleit pinis long ol i tritim long haus sik.

Mis Ruddaka i tok i gat nid long planti moa aweanes long dispela sik na bai ol meri i ken luksave long ol sain bilong sevikel kensa.

Em i tok, long ol kempen bilong ol, ol i save tokim ol meri long go oltaim long

kisim pap smear test, na go hariap long haus sik sapos ol i lukim "unusual bleeding".

Ms Ruddaka i tok planti meri i kirap nogut tru taim ol i harim olsem ol i gat sik kensa long bilum bilong bebi, na i no sampela kain sik i kamap long taim sampela man i kisim klos bilong ol na wokim posin.

Enga polis i painimaut moa long dai bilong wanpela meri

Caroline Tiriman i raitim

OL polis long Enga i tok ol i wok long mekim ol wok painimaut long wanpela riptot i tok olsem sampela pipel i bin kilim wanpela meri bihain long ol tokwin bilong sanguma.

Ol riptot i tok sampela lain i bin sutim tok long dispela meri na tripela narapela meri long wokim posin na

kilim tupela man na kaikaim lewa bilong wanpela long stat bilong las wik.

Ol polis i tok ol i bin kisim tripela long ol dispela meri, tasol wanpela bilong ol i bin dai pastaim long ol polis i bin kamap long ples bilong ol.

Enga i gat wanpela lain grup husat i bin statim ol aweanes long provins long traim daunim dispela kain pasin bilong kilim

nating ol pipel bihain long ol tokwin bilong sanguma i kamap.

Epenes Nili, komanda bilong Wabag polis stesin, na husat i namba tu bosman bilong dispela grup, i tok ol i no bin lukim wanpela meri o man i dai bihain long tokwin bilong sanguma long sampela mun nau, na em i sori olsem dispela kain hevi i kamap gen.

Vanuatu i gat nupela Polis Komisina

Sam Seke i raitim

BIHAIN long foapela yia, Vanuatu i gat wanpela nupela Polis Komisina.

Nupela Komisina em Sief Inspekta Albert Nalpini. Em i bin kisim leta bilong apoinmen bilong em long Presiden Baldwin Lonsdale, na i mekim tok promis bilong em.

Long ol toktok bilong em, Presiden Lonsdale i askim Mista Nalpini long bringim bek disiplin na yuniti long polis fos, na lukautim gut lo na oda long kantri.

Opis bilong Praim Minista, Hilaire Bule, i tok Mista Nalpini em i man Tanna, na em i gat kwalifikesen long lo.

Mista Bule i tok apoinmen bilong nupela polis komisina em i impoten bikos planti samting i no stap stret insait long polis fos na i bin gat ol ekting polis komisina stat long 2013.

Em i tok planti hevi i bin kamap insait long polis fos na ol kot keis tu i no hariap, olsem na Presiden i tok em i laik lukim stabiliti insait long polis fos.

Solomon Ailans i promotim kalsa turis

Caroline Tiriman i raitim

OL pasin tumbuna o kalsa i impoten long aidentiti bilong ol pipel bilong Solomon Ailan, na tu em i stat nau long bringim mani i go long ikonomi na pipel bilong kantri.

Dennis Marita, Dairekta bilong Kalsa Divisen long Ministri ov Kalsa na Turis, i mekim dispela toktok long bikpela miting bilong ol indijinis pipel bilong Australia em ol i kolim First Nations Cultural Summit i bin kamap long

Piksa i stori long vailans egensim ol meri long PNG

Caroline Tiriman i raitim

PASIN bilong paitim na kilim nating ol meri long Papua Niugini em i wanpela bikpela hevi.

Na nau wanpela NGO group ol i kolim Papua Niugini Tribal Foundation i kamapim wanpela piksa o dokumenteri ol i kolim "Senisim Pasin" na dispela piksa i lukluk long jenda bes vailens, na tu pasin sanguma.

Ol i bin stat long soim dispela piksa long PNG, na Amerika long 2016, tasol las wik ol i bin soim namba wan taim long Melbourne, Australia.

Nesenel gavman bilong



Misis Weka Tarr na Misis Elvie Row (klostu long kamera) pas-taim long ol i soim Senisim Pasin film long Melbourne.

PNG i wokbung wantaim PNG Tribal Foundation long daunim dispela hevi wantaim helpim i kam long gavman bilong Australia na Amerika.

PNG na ol Pasifik kantri i mas lukautim gut ol kalsa

Caroline Tiriman i raitim

I GAT wanpela singaut i go long ol pipel bilong Papua Niugini na Pasifik i mas was gut na holim strong ol pasin tumbuna o kalsa bikos em i wanpela bikpela samting we i soim aidentiti o mak bilong wan wan pipel long wol.

Dispela em toktok bilong Florence Jaukae Kamel, husat i bin statim, Goroka Bilum Weavers Cooperative & Goroka Bilum Festival.

Em i mekim dispela toktok long bikpela miting bilong ol indijinis pipel bilong Australia em ol i kolim First Nations Cultural Summit o miting. Dispela miting i bin pinis long las wik Trinde long Melbourne.

As tingting bilong dispela



Florence Jaukae Kamel, husat i kirapim Goroka Bilum Weavers.

miting em bilong wokbung wantaim ol indijinis pipel bilong Australia long painim ol gutpela rot long strongim kalsa bilong ol em ol i ting i wok long lus nau.

Florence Kamel i tok olsem kalsa em i samting bilong ol gavman, na ol pipel

tu, na mobet ol i no ken lus tingting long en.

Narapela man bilong PNG husat i bin stap tu long dispela miting em John Faunt na em i bin sanap makim musik indastri long PNG. Em i gat wankain tingting long ol musik bilong Papua Niugini.

Ol Turis Kaunsil Minista i bung long Gizo



Wanpela Tomoko woa kanu i lusim Nusatupe na kisim Turis Minista na ol bikman i go long Gizo.

Sam Seke i raitim

OLGETA turis minista bilong ol provins long Solomon Ailan an Honiara Siti i go long Gizo, biksiti bilong Westen Provins long Turis Kaunsil Ministas Miting.

Olgeta Provinsal Seketeri tu i bin go stap long dispela wan wik miting.

Siaman long Turis Kaunsil

Ministas Miting em Minista bilong Kalsa na Turis long nesenel gavman, Bartholomew Parapolo.

Manesa bilong SIBC regional stesin long Gizo, Sina Adrian i tok Westen Provins gavman i mekim wanpela kastom welkam long olgeta deliget i kam long Honiara long taim ol i kamap long Nusatupe ples balus.


Ol akiolojis i painim 17 mummie long Egypt

WANPELA grup bilong ol akiolojis long Egypt i bin painim wanpela olupela matmat tru we i bin gat 17 mummie klostu long Minya siti long Nile Valley, na gavman bilong Egypt i bilip bai ol i painim sampela moa long dispela hap.

Ol mummie em bodi bilong ol dai man. Bipo long Egypt ol pipel i save klinim bodi bilong ol daiman na karamapim na putim long kofin. Bodi i ken stap moa long tausen yia.

Long taim ol i painim dispela matmat long ples Tuna al-Gabal, wanpela bikpela kemp bilong ol akolojis i kamap long dispela hap long westen hap bilong ples wesana.

Ol i painim tu wanpela matmat bilong ol pisin na arapela enimal. I gat matmat bilong ol pipel na haus we ol i save stretim bodi bi-



Ol mummie i slip long matmat we ol i bin painim ol long Touna el-Gabal distrik long sentral Egypt.

long ol dai man bipo long ol i planim ol.

“Dispela em i namba wan matmat bilong ol pipel mipela i painim long hia long Tuna al-Gabal,” antikuitis minista Khaled al-Anani i tokim ol ripota long dispela hap we i stap 220 kilomita longwe (135 mail) long Cairo.

Ol i bilasim gut ol dispela mummie olsem na ol save-lain i ting em ol i bodi bilong ol bikman bilong gavman o ol pris.

Ol i bin painim tu 6-pela kofin, tupela graun kofin, tupela pepa i gat ol toktok ol i raitim long en na sampela arapela liklik samting.

Sik Ebola i kamap gen long Demokretik Ripablik ov Kongo

GAVMAN i tokaut olsem sik Ebola i kamap gen long Demokretik Ripablik ov Kongo (DRC), we tripela pipel i dai na ol i bilip 6-pela arapela i karim dispela vairas nau long bodi bilong ol. Dispela ripot i kam long Wol Helt Ogenaisesen (WHO).

Ol i wok long mekim ol wok painimaut nau long olsem wanem dispela Ebola vairas i kamap gen long bikbus long Bas-Uele provins klostu long boda bilong Sentral Afriken Ripablik (CAR). Long 2014 dispela sik i bin kamap long DRC na i bin kilim 49 pipel long tripela mun.

Minista bilong Helt long DRC, Oly Ilunga Kalenga i toktok long televisen na em i tokim ol pipel olsem dispela sik i wanpela nesanel imejensi, tasol em i tokim ol pipel long no ken pret tumas.

“Dispela em i namba eit taim kantri bilong yumi i bungim sik Ebola, olsem na yumi no mas pret nabaut,” Kalenga i tok.

Em tok, “Ministri bilong Helt i bihainim ol rot bilong hariap na stopim dispela sik.”

Mausman bilong WHO, Eugene Kabambi, i tok ol i givimaut ol ikuipmen bilong karamapim gut bodi bilong ol rijonal helt woka husat i go nau long mekim wok bilong stopim dispela sik i kamap bikpela. Wanpela nesanel tim, wantaim ol save-lain na speselis dokta bilong

Médecins Sans Frontières, na US Centre for Disease Control, Unicef na WHO, bai i go tu long dispela hap.

“DRC em i wanpela bikpela kantri na ples we dispela sik i kamap em i hatwok tru long go long en, tasol em i stap klostu long boda bilong Sentral Afriken Ripablik,” Kabambi i tok.

Em i tok ol pipel i save go kam long ol ples long boda long lukim ol famili na pren olsem na ol i hariap nau long stopim dispela sik i kalap long moa pipel.

“Mipela i mas wokbung wantaim ol lokal komyuniti na bai ol i ken save olsem dispela vairas em i nogut tru na i isi long kalap long ol pipel na kilim ol i dai. Mipela i kisim ol viles lida na ol komyuniti lida long tok save long ol pipel na wok wantaim mipela long stopim dispela sik i kamap bikpela.”

I bin gat wanpela miting namel long ol gavman opisa bilong DRC na CAR, na wantaim ol savelain bilong WHO Kabambi i tok. Ol opisa bilong CAR i tok ol tu i wok long putim was nau long ol ples long boda long stopim dispela sik.

Namel long ol tripela pipel husat i bin dai long dispela sik, wanpela tasol i bin gat dispela vairas long bodi bilong em. Em i bin gat bikpela fiva tru las mun na i go long wanpela klinik tasol ol i tokim em long go hariap long bikpela haus sik na

kisim test. Tasol em i bin dai long rot. Na dispela teks draiva husat i bin draivim em wantaim narapela pasindia tu i bin dai na ol i ting dispela vairas i kilim tupela.

Sik Ebola i save kilim man hariap tru na sik i kalap long taim wanpela man i go klostu long sikman.

I bin gat bikpela sik Ebola i kamap long wes Afrika long 2013 – na i kilim moa long 11,300 pipel na i kalap long 28,600 pipel long taim em i kamap long Liberia, Guinea na Sierra Leone. Planti tausen moa husat i bin sik tasol i kamap orait gen i wok long painim taim long helt bilong ol. Long Jun las yia, Liberia i tokaut olsem dispela vairas i no moa stap long kantri bilong ol.

I gat planti tok kros i kamap long WHO. Ol i tok WHO i no hariap long traim stopim dispela sik o luksave olsem dispela sik i kam bek gen.

WHO i bin kamapim wanpela sut bilong stopim sik Ebola. Dr Seth Berkley bilong Gavi, husat i bin wokbung wantaim Merck long kamapim dispela sut i tok ol test ol i bin wokim i soim olsem dispela sut i wok gut long stopim dispela sik.

“I gat 300,000 sut bilong sik sapos ol i laik yusim long stopim dispela sik i kamap bikpela.” Dr Berkley i tok.

“Dispela sut i soim olsem em inap stopim dispela wik na bai i helpim ol pikinini, ol meri na ol lapun.”

Microsoft bos i tok Ransomware i kamapim bikpela hevi tru



Ol nupela virus bai kamap na ol i no save yet hamas mani bai lus long stretim dispela hevi.

DISPELA bikpela bagarap ransomware virus i bin kamapim long ol kompiuta long planti hap long wol long las wiken, i mas opim ai bilong ol gavman nau, presiden bilong Microsoft i bin tok.

Ol sekyuriti opisal bilong ol kompiuta long wol i wok long traim painimaut husat tru i bin putim wanpela virus i bin bagarapim ol kompiuta. Dispela virus i bin bagarapim 200,000 kompiuta na i pasim ol faktori, haus sik na skul long taim em i yusim wanpela sofwe em ol i ting sampela lain i bin stilim long US National Security Agency.

Europol, wanpela pan-European Union ejensi husat i save pait egensim dispela kain trabel, i tok dispela hevi i wok long kamap bikpela na namba bilong ol lain husat i bin kisim dispela “ransomware” bai gro yet long ol kompiuta bilong ol praivet na pablik sekta.

Dispela virus i go insait long ol kompiuta long olupela Microsoft Windows XP program na i tok olgeta fail long kompiuta bai i lus sapos yu no baim sampela mani. Tasol ol savelain i tok i no

gat samting i soim olsem ol fail bilong kompiuta bai inap long kam bek gen bihain long yu baim sampela mani.

Brad Smith, husat i presiden bilong Microsoft na em i sief loya bilong ol tu, i tok dispela i wanpela gutpela eksampel bilong ol hevi inap kamap sapos ol gavman i no senisim ol olupela kompiuta program bilong ol.

Smith i tok ol gavman long wol i mas luksave nau olsem dispela kain hevi i ken kamap sapos ol i no hariap long senisim ol olupela program na larim i stap longpela taim.

Ol saiba sekyuriti saveman i tok dispela virus ol i kolim WannaCry i slo daun liklik nau tasol ol i ting bai kamap gen long taim ol pipel i go bek long wok na yusim ol kompiuta bilong wok.

Ol i ting dispela hevi i bin kamap las wiken bai i kostim bikpela mani tru long fiksik.

Presiden Donald Trump bilong US i bin bung wantaim ol sekyuriti lain long kisim kliia tok save long dispela hevi bikos ol i pret em bai bagarapim ol kompiuta bilong gavman bilong US.

Ol savelain i ting NSA i bin

kamapim wanpela program bilong go insait na kisim infomesen bilong ol birua na sampela lain i bin stilim na putim long internet na ol lain i bin kisim na kamapim dispela ransomware atek.

Dispela virus i bin stop long taim wanpela risetsa i bin rausim wanpela seva long ol kompiuta na dispela i bin stopim dispela virus long kamapim moa bagarap.

Ol kompiuta we dispela virus i bin bagarapim em ol olupela masin ol ogenaisesen i no laik spendim mani long senisim, o ol masin bilong wokim ol samting o ol masin long haus sik we i no isi long stretim bikos dispela bai bagarapim ol impoten wok.

Ol savelain long planti kantri long wol nau i wok hariap long mekim ol wok bilong stretim ol kompiuta na apgredim ol sofwe program bilong ol bihain long dispela bikpela hevi i bin kamap.

Na Microsoft i putimaut sampela program bilong helpim na i stretim hariap dispela hevi long Fraide stopim dispela virus i kalap i go kamapim moa bagarap long wol.

Brazil i tok Zika i no pablik helt imejensi moa

BRASIL i tokaut nau olsem em i rausim pablik helt imejensi long dispela sik Zika virus, bihain long 18 mun. Dispela sik i bin mekim planti pipel long ol wol i pret bikos long kain kain ripot i bin kamap long bagarap dispela sik i ken kamapim long helt bilong ol nupela bebi.

Ol natnat i save karim virus bilong dispela sik na bipo ol i no bin tingting planti long en. Taol long 2015 planti pipel i bin kisim dispela sik na ol dokta i tok dispela sik i ken kamapim bikpela bagarap long bodi bilong ol nupela bebi. Wan-

pela bilong ol dispela em ol i kolim microcephaly, we het bilong bebi i liklik tumas long bodi bilong en.

Bikpela pret tru i bin kamap long dispela taim bikos Brazil, we dispela sik i stap strong pinis, i wok long redi long 2016 Olympic Games. I gat kain kain toktok i kamap olsem ol lain husat i go long lukim Olympics bai karim dispela sik i go bek long ples bilong ol.

Gavman bilong Brazil i wokim bikpela kempen tru bilong rausim ol natnat. Helt ministri i tok dispela i helpim long daunim namba bilong

ol pipel i kisim sik Zika. Namel long Januери na namel bilong Epril, namba bilong ol pipel i kisim dispela sik i bin daunbilu tru. Namba bilong ol bebi i gat liklik het tu i surik i go daun.

Adeilson Cavalcante, seketeri bilong helt seveilens long helt ministri i tok, “Helt ministri na ol arapela ogenaisesen husat i mekim dispela wok bai i strongim yet polisi bilong pait egensim Zika, dengue na chikungunya.”

Ol dispela tripela sik em natnat ol i kolim Aedes aegypti i save kamapim.

Westpac i statim Choice Wantok long Hailans

WESTPAC Bank i tokaut long wanpela nupela program bilong helpim ol pipel long Hailans long pasin bilong sevim, lukautim na yusim gut mani bilong ol.

Westpac Pacific Financial Inclusion Program (PFIP) na Australia gavman i tokaut long stat bilong dispela program.

Dispela program ol i kolim Choice Wantok em i wanpela isi wei bilong benk i helpim ol pipel bilong Hailans we planti pipel tru i no save tru long ol benk na pasin bilong sevim mani.

Bai dispela program i stap long Hagen na bai bringim sevis wantaim nupela teknoloji i go long ol ples long Hailans. Dispela bai larim Westpac i traim ol nupela aidia na sevis long bungim wanem kain nid ol rural komyuniti i gat.

Greg Pawson, Westpac Ri-jonal Het bilong Saut Asia na Pasifik i tok Choice Wantok em i no nupela prodak, tasol em i nupela wei bilong lukluk long beking long ol rurel eria.

Em i tok ol i luksave olsem benk i stap longwe na no gat infomesen em tupela bikpela pasin i save stopim ol pipel long yusim ol benk. Em i tok ol i yusim ol save na edvais i kam long PFIP long



Australia Minista bilong Intenesenel Developmen na Pasifik, Concetta Fierravanti-Wells i bin stap long dispela taim.

kirapim dispela program long Hagen na bihainim laik bilong ol pipel long givim benking sevis i go long ol.

Choice Wantok bai yusim ol dijital pletfom we ol pipel i ken putim mani long lokal stua na yusim mobail fon. Bai ol i no inap baim fi long wan wan mun, bai ol pipel i ken

sevim mani gut. Dispelarot bai i no inap kostim bikpela mani na bai mekim isi long ol pipel i lukim akaun bilong ol, baim ol bil, trensefensi mani na baim ol famili na pren.

Tim bilong Choice Wantok i wok long Hagen nau na bai ol i go aut lukim ol komyuniti long hap bilong Hailans.

Basil i tok bai em i kirapim Kopi Ministri

EGRIKALSA bai kisim K2 bilien long baset long taim Pangu Pati i kamapim gavman. Na bai ol i givim K500 milien i go long kopi indastri.

Lida bilong Pangu Sam Basil i mekim dispela promis toktok long Henganofi las wik long taim em i go long endosim kendidet bilong Pangu, Isento Taffy Suugao long Henganofi Open Sit.

Mista Basil i tokim ol pipel long dispela bung olsem bai em i kirapim Kopi Ministri we bai i gat minista na seke-

teri bilong kopi na bai dispela opis bai stap long Goroka.

Em i tok bai ol i kirapim ol kopi neseri long olgeta distrik i save groim kopi na bai ol i mas planim moa kopi diwai. Em i tok sapos ol i mekim olsem bai long yia 2020, PNG bai inap kamapim 5 milien beg kopi long salim i go long ol ovasis maket.

Mista Basil i tok tude PNG i salim 1 milien beg kopi na kisim samting olsem K500 o

K600 milen long wan wan yia.

Em i tok sapos ol fama i planim moa diwai kopi bai i strongim ikonomi bilong PNG na kantri i ken kisim samting olsem K2.5 bilien long kopi.

Mista Basil i tok tu olsem kakao bisnis bai kisim wankain helpim olsem kopi na ol fama bai i kamapim moa kakao insait long 5 i go inap 10-pela yia. Em i tok kakao em i wanpela bikpela egrikalsa bisnis insait long kantri.

Ol man i go pas long kamapim seif siti bilong meri

Rabura Aiga em i wina bilong Hertz Leasemaster Komyuniti Entreprenua kategori awot bilong 2017 Men ov Ona Awod Gala Dina nait.

Aiga i gat bikpela laik long wok wantaim ol yut long Pot Mosbi Siti i helpim em long kisim dispela luksave olsem wanpela Man ov Ona.

“Driman bilong mi em long lukim ol meri i mas wokabout fri long siti na ol i

no ken pret long man i bagarapim ol. Mi save stap wantaim ol tumbuna meri bilong mi na wanpela de bai mi amamas long lukim ol i stap gut,” Mista Aiga i tok.

Aiga em i wanpela lida man bilong Motu na em i bilong Vabukori viles long Pot Mosbi.

Rabura i lukim pasin tumbuna long ol asples bilong em i wok long bagarap isi isi, we ol mama na ol pikinini

meri i no save kisim rispek long ol man.

Dispela ol hevi i mekim na em i kamap wantaim disain bilong Yumi Lukautim Mosbi Projek taim em i bin stap olsem projek kodineta wantaim Nesenel Kepital Distrik Komisen long 2009. Projek i bin kam aninit long fanding bilong AUSAID long helpim long daunim pasin bilong bikhet namel long ol yut long Pot Mosbi.

Nupela ICT fasiliti i op

Chalpetson Koi i raitim

NESENEL Intenesenel Komyunikesen Teknoloji Atoriti (NICTA) i opim nupela fasiliti long Pot Mosbi.

Dispela Neutral Internet Exchange Point bai i mekim intanet i hariap tru na em i liklik mani. Long wanem ol intanet sevis provaida (ISP) bai operet insait long kantri.

Pastaim ol intanet sevis provaida i save yusim kain fasiliti long ovasis we i bin kostim bikpela mani tru.

Tasol nau, dispela fasiliti i op long PNG we bai i daunim prais bilong ol Infomesen na Komyunikesen Teknoloji (ICT) na bai olgeta lain i ken yusim intanet.

Dispela i kamap asde (Me 17) long taim bilong luksave long Wol Telikomyunikesen na Infomesen Sosaiti De.

Dispela yia, het tok bilong

em i “Bikpela Data long Bikpela Senis”.

Seketeri bilong Dipatment bilong Komyunikesen na Infomesen, Paulius Kornii i makim maus bilong Minista bilong en, Jimmy Miringtoro long dispela bung.

“Dispela fasiliti bai i helpim long karim aut ICT sevis na mekim ol dispela sevis bai olgeta Papua Niugini i ken baim na yusim. Em i bikpela samting long kantri. Dispela em i putim PNG i kamap wankain olsem ol narapela kantri, na moa long dispela sapos mipela i yusim gut bai i givim mipela bikpela kwaliti na ol brod ben komyunikesen sevis bai i isi long baim we i ken bringim sosel na ikonomik developmen,” Mista Kornii i tok.

Em i tok insait long 18 moa mun, bai PNG i holim bikpela

ikonomik bung, APEC Lida Samit, na toktok bilong yusim ol ICT sevis bai i karim ol ikonomik developmen we bai ol i toktok long en. Long dispela mipela i nid long soim ol olsem, PNG i redi long yusim ICT na groim ikonomi na kirapim bisnis wantaim ol APEC ikonomik kantri.

Long wankain taim, Sief Eksekutiv Opisa bilong NICTA, Charles Punaha i amamas long dispela nupela fasiliti we bai i helpim ol pipel long PNG.

“Pastaim ol kampani olsem Digicel PNG na Bmobile i save yusim ol ovasis fasiliti tasol nau bai ol i ken yusim dispela PNG Neutral Internet Exchange Point long Pot Mosbi we bai isi tru. Dispela bai wokim intanet sevis i hariap tru na bai kostim liklik mani,” Mista Punaha i tok.



Seketeri bilong Infomesen Komyunikesen Teknoloji, Paulius Kornii wantaim Sief Eksekutiv Opisa bilong NICTA, Charles Punaha i katim ribon long opim dispela fasiliti. Foto: Chalpetson

PNG Ekstrektiv Industri Transparensi Inisetiv Nesenel Seketeriet



Hetman bilong Seketeriet bilong PNG EITI Lucas Alkan i toktok long taim bilong JICA teknikal miting wantaim ol senia opisal bilong Dipatmen bilong Plening.

JAPAN Intenesenel Kopretiv Ejensi (JICA) nau tasol i kamap olsem developmen patna long wok wantaim Papua Niugini Ekstrektiv Industri Transperensi Inisetiv (PNG EITI) Seketeriet long strongim en long wokim gut ol EITI Ripot.

Ol Ekstrektiv Industri Transperensi Inisetiv em i wanpela intenesenel standet bilong mekim wok isi long menesmen bilong ol reveniu o mani i kamap long ekstrektiv sekta.

Ol gavman i save tokaut long hamas mani ol i save kisim long ol ekstrektiv kampani i wok insait long ol kantri bilong ol na ol dispela kampani i save tokaut long hamas ol i baim i go long

gavman.

Teknikel tim bilong JICA Tokyo opis i bin stap long kantri long Epril 18, 2017 na bung toktok wantaim ol stekholda long ol insait plen disain sevei we bai tok klia long ol mak bilong dispela teknikal wok bung wantaim.

PNG EITI Het ov Seketeriet Lucas Alkan i bin bung wantaim JICA Teknikel wok grup long Epril wantaim senia opisa bilong Dipatmen bilong Nesenel Plening (DNP) long toktok long kam bilong JICA tim long dispela kopresen.

“Astingting bilong dispela projek em long promotim wei bilong reveniu menesmen na ripot wantaim EITI intenesenel standet, Mista

Alkan i tok.

Em i tok ol wan wan wok kamap em olsem gutpela menesmen bilong registri na wei bilong yusim registri infomesen long Dipatmen bilong Petroleum na Eneji (DPE) long strongim wei bilong givim ripot long ol ekstrektiv sekta kampani na gavmen ejensi na long strongim awenes na implementesen straksa bilong EITI.

Mista Alkan i tok, “I gat sampela developmen patna husat i soim pinis olsem ol i gat laik long helpim mipela long strongim wok bilong wokim ol EITI ripot wok na sekteriet i amamas long JICA i kam insait olsem namba wan developmen patna long helpim mipela.”

Isi long kisim NCSL dinau mani

NASFAN Kontributa Sevings na Lon Sosaiti Limited (NSCL) i amamas long tokaut long ol memba olsem ol nau inap prosesim dinau askim bilong ol memba hariap.

NSCL i kamapim wanpela program we sapos wanpela memba i gat hamas mani em i gat long NSCL, em inap long kisim dinau mani long wankain mak.

Dispela i olsem sapos wanpela memba i gat K500 long NCSL akaun bilong em, em inap long aplai long kisim dinau long mak bilong K500.

NSCL i tok ol inap prosesim ol dinau mani long wanpela aua tasol.

Dispela sistem ol i kamapim insait long SaveLonSmat Sistem.

NCSL jeneral menesa Vari

Lahui i tok kain wei bilong mekim wok gut na hariap i kamap bikos long nupela sistem (SaveLonSmat) we Sosaiti i statim long Novemba las yia.

“Ol memba nau bai lukim NCSL bai mekim wok bilong ol hariap. No gat moa hat wok long ol opisa bai mekim wok long han. Sistem yet bai mekim ol wok hariap,” Lahui i tok.

Dispela sistem i orait long olgeta NCSL memba na ol i ken yusim intanet, mobail telepon o salim pas long aplai long kisim NCSL dinau.

Lahui i tok wanpela samt-ing dispela sistem i sot we wanpela opisa i mas stap long lukim wok i go het em long lukim mani NCSL i rausim long bekim dinau bilong memba i no abrusim

30 pesen potnait pe bilong memba.

Ol NCSL opisa i mas lukim olsem ol i no rausim olgeta mak bilong mani memba i kisim long dinau long wanpela taim tasol.

Taim ol opisa i putim gut ol mak long sistem, bai sistem yet i rausim hamas em i mas rausim long em.

Dispela SMS masin i stap wantaim Vodafon bmobail telepon.

“Ol memba husat i stap long Digicel netwok inap yusim dispela sistem long liklik taim bihain. Mipela i wok long wok wantaim Digicel long bringim dispela sevis i go long ol kastoma bilong mipela”.

Ol dinau we i stap long resio bilong 1:2 bai bihainim wankain sistem tasol.

Ikonomi i kamap gut

MASKI i gat hevi bilong mani, ikonomi bilong Papua Niugini i luk gut, Esia Dvelopmen Benk (ADB) i tok.

Menesing Dairekta bilong benk, Andrew Wilkins i tok 2017 i yia we ol bisnis i wok long redi long gutpela kamap bilong ikonomi long sampela taim.

Em i tok hevi bilong mani kantri i wok long bungim em bikos long prais bilong wel, ges, gol na kopa long wol maket i go daun. Na PNG ikonomi i stap daunbilo long tri (3) pesen na dispela i daunbilo long 3.4 pesen mak Intenesenel Moniteri

Fan (IMF) i bin tok long em. Em i tok sampela ikonomis o saveman i tok long ikonomi bilong wol bai kamap gut long narapela 12-pela o 18 mun.

Long hevi bilong ikonomi, Wilkins i tok dispela em bikos long prais bilong ol komoditi olsem wel, ges, gol, kopa na ol egrikalsa prodak olsem kakao, kopi, wel pam na kokonas i go daun.

Hevi long prais bilong dispela ol samtung i stat long 2015.

Em i tok bikos prais bilong dispela ol samtung i go daun, mani PNG gavman i kisim

kam insait i liklik.

Gavana bilong Benk ov Papua Niugini (BPNG) Loi Bakani i tokaut long risev o mani kantri i kisim na gat long en i no bikpela. Bakani i save long as bilong dispela hevi.

Em i tok bikos long prais bilong ol komoditi i stap daunbilo, dispela i lukim no gat planti wok i kamap, no gat inap wok na dispela i lukim no gat planti mani i kam insait long kantri.

Moa yet gavman i askim ol bisnis long wet pastaim bipo long ol ken rausim mani i go ausait.

Benk CEO bilip long bisnis i gro

OL sif eksekutiv opisa bilong tripela bikpela Papua Niugini benk i bilip long gutpela wok bisnis bilong ol long 2017.

Dispela ol benk em Benk Saut Pasifik (BSP), Australia Nu Silan (ANZ) benk na Westpac.

Ol i tokaut long tingting bilong ol long taim kantri i bungim hevi bilong mani bikos long pundaun bilong prais bilong ol komoditi olsem wel, ges na gol.

Wanpela askim i bin go long ol long 2015 sapos ol bai mekim bikpela win mani long 2016 we bai abrusim bilong 2015 tasol bihain long

2016, ol i painim olsem tok-tok bilong ol no kamap stret.

Long 2016 win mani, sampela i lukim mani ol i askim i kisim tasol wankain mak ol i kisim long 2015 na sampela i lukim ol i kisim daunbilo long mak ol i ting ol bai kisim long em.

Long sait bilong wok manmeri bilong ol, sampela bilong ol i lusim olsem 3.23 pesen bilong ol opisa bilong ol.

Inap long 45.2 pesen opisa bilong ol i stap olsem ol i save stap long em.

Moa long 28.6 pesen i lukluk long kisim moa wok manmeri long 2017.

Foren eksenis wanpela

long ol bikpela hevi ol benk na olgeta arapela bisnis i wok long bungim.

Dispela i kamap bikos PNG yet i no gat inap pepa mani (cash) long senis wantaim long kisim mani bilong Amerika o arapela kantri olsem Australia i kam insait.

Inap olsem 59 pesen bilong ol bisnis na benk i tokaut olsem dispela i bikpela hevi bilong ol.

Wantaim hevi bilong pepa mani, ol arapela hevi ol bisnis haus i bungim em sot bilong saveman bilong ol spesel wok (28 pesen), sekyuriti, lo na oda (24 pesen) na telikomyunikesen.

ExxonMobil tokaut long gutpela mak bilong Muruk ges



Antelope 2 ges long Galp we Total i wok long em long kamapim Papua LNG.

EXXONMOBIL, Amerika kampani i wok nau long Hides ges i tokaut long dispela wik olsem mak bilong ges em i kisim long dril wok long Muruk, Hela i luk gut.

Muruk eksploresen ges i stap 21 kilomita longwe long Hides ges.

Em i tok dispela eksploresen wok i painim gutpela kwaliti sendston hap we dispela i stap long sautwes bilong Muruk 1.

Em i tok dispela em i namba wan kain gutpela mak bilong ges bihain long ol i painim ges long dispela hap long 2016.

Dispela saidtrek wel kampani i drilim 4140 mita i go daun.

“Dispela bikpela mak i tokaut long mak bilong ges i stap long Muruk na i mekim mipela i go het long mekim eksploresen wok long dispela hap,” Steve Greenlee, presiden bilong ExxonMobil Eksploresen kampani i tok.

“ExxonMobil i gat longpela na gutpela histori bilong eksploresen wok, developim na salim ges long PNG.

“ExxonMobil i save wok long ol projek long graun na insait long solwara na dispela i soim strong em i gat long

wok long kain projek olsem na em i redi long mekim wok long Papua Niugini.’

Oil Search i stat long mekim dril wok long Muruk 1 long Novemba, 2016.

Dispela i stap insait long petroleum prospekting laisens (PPL) 402 hekta, olsem 510 skuea kilomita.

Tupela kampani husat i papa bilong dispela eksploresen wok em ExxonMobil (42.5 pesen), Oil Search (37.5 pesen) na Barracuda Limited, han kampani bilong Santos Limited i gat 20 pesen sea long dispela projek.

Japan deligesen amamas long PNG kopi

John Supa i raitim

SAMPELA save lain bilong Japan i kam raun long Papua Niugini long painim aut sampela stori long gutpela kopi bilong PNG i lusim kantri wantaim gutpela tingting olsem PNG Kopi em i gat namba wan teist.

Ol dispela save lain i gat speselis Coffee Connoisseurs, em ol lain bilong traime teis bilong kopi, makim sampela lida long kopi rosta, kopi bru na cafeteria grup long Japan.

I bin gat 11-pela lain i kam em ol 9-pela man na tupela meri. Ol i bin kam aninit long MG Kopresen (MGC) bilong Japan, wanpela bikpela patna bilong Kopi Industri kopresen (CIC) na wanpela bilong PNG speselti impota. CIC long dispela taim i senisim pasin long baim sola kopi palpa na ol fetilaisa bilong MGC long di-

velopim kopi.

Ol 11-pela Japan coffee connoisseurs i kam hia long traime na skelim kwaliti bilong PNG kopi na as bilong ol, we MGC i save impotim na distributim long ol klaien bilong ol long Japan. Tasol sampela bilong ol Japan em ol yet i bisnis manmeri, na ol narapela lain em ol profesenel coffee connoisseurs em ol lain bilong teistim kaikai. Olsem na 11-pela save lain bilong traime kopim i kam na wokim sempel na tredim PNG namba wan kopi i opim rot long nupela dairek maket long kam long ol PNG kopi groa long salim ol ogenik kopi i go stret long Japan na kisim mak bilong ol namba wan prais i no wankain olsem ol maket nau.

Tim Lida bilong Japan Tim na ol MGC bilong Tokyo, Nobuo Matsuki, i tok ol memba bilong deligesen i

amamas long kwaliti bilong kopi bilong PNG stret em ol i bin teistim long taim ol i bin kam raun. MGC i bin salim tu Seijiro Umemoto na Yukari Sakai bilong Tokyo, na Makiko Ito bilong Semdai siti.

Ol narapela lain insait long grup em; Masanori Nakamura bilong Nakamura Coffee long Ise long Mie Prefecture, Yuki Kayama bilong Cerrad Coffee long Tokyo, Hiroyuki Kimura bilong Bees Coffee (Tokyo), Hisao Hori bilong More Coffee long Ehime, Yoshiya Tsuzuki bilong Coffee Verdi bilong Kyoto siti, Hiroshige Murakami bilong Murakami Coffee long Saitama na Isao Kaga bilong Kaga Coffee faktori long Odate – Akita.

Long taim ol i raun ol deliget i bin traime teist bilong kopi bilong Milen Be, Morobe, Isten Hailans na Jiwaka Provins. I gat wanpela



Ol Japan deligesen i traime ol PNG kopi long CIC opis long Goroka las wik Trinde.

piksa kopi tasol i bin stap aninit long standet bikos long we ol i putim long taim bilong karim i go long CIC Kopi Risets na Ekstensen hetkwata long Aiyura, deligesen i tok ol i amamas tru long ol narapela kopi piksa we ol i bin traime long Lae, Aiyura na Goroka.

Ol deligesen i bin stat long Lae, long ol opis bilong CIC long Lae we olgeta savelain bilong kopi i stap na i save sekim gut tru kwaliti na greid bilong ol kopi ol i save salim i go ovasis. Bihain ol i go lukluk raun long ol Menesmen Sevis weahaus we ol i soim ol long wanem

wei ol PNG eksport kopi i save redi long go ovasis wantaim strongpela kwar-entim.

Dokta Mark Kenny, CIC General Menesa, Risets na Growa Sevis Divisen na deputi bilong em Matei Labun, i go long Aiyura, CIC Hetkwata long Goroka.

PNG na Australia toktok long envairomen sastenebel developmen

Josiah Ururu Kana i raitim

Long asde Trinde 17 Me, Australia Niugini Netwok na Australia Hai Komisen i

holim wanpela woksop long Lamana Hotel, Pot Mosbi long toktok long ol salens i stap insait long PNG na Australia long kamapim sas-

tenebel envairomen bilong developmen.

Australia Niugini Netwok em i wok bilong Lowy Institut bilong aninit long Intene-

senel Polisi wantaim Patnasip bilong Nesenel Risets Institut bilong PNG.

Ol lain husat i kamap long dispela woksop i makim

PNG na Australia gavman, bisnis na sivel sosaiti.

Ol lain i go pas long woksop em ol ki speselis long wok bilong envairomen na risos menesmen na konsevesen olsem John Muke, wanpela akiolojis na man i makim Kuk egrikalsa herites ples, husat i toktok long ol wei bilong tumbuna long menesim ol risos na ol wei bilong wokim egrikalsa; Martin Rice em i het ov risets long Opis bilong Klaimet senis na developmen husat i toktok long klaimet senis asesmen na adaptesen, Kay Kalim, Dairekta bilong sastenebel envairomen programs wantaim CEPA,

Lucinda Gulluman Kisipo, Senia Edvaisa, bilong Sastenebel developmen, Oil Search na ol narapela spika.

Bikpela toktok bilong woksop em "Serim save bilong kamapim sastenebel ples bihain" i helpim ol spika long givim ol presentesen long planti samting. Ol presentesen i bringim aut sampela gutpela tingting bilong asples long wei bilong lukautim envairomen long em i ken stap gut longpela taim bihain.

As tingting bilong woksop em long kamapim nupela wok bung namel long Australia na Papua Niugini i kam long kain kain ogenaisesen



Ol spika long woksop asde long Lamana Hotel. Poto: AHC.

OTML statim Maining Sefti wik

OK Tedi Mining Limited (OTML) i opim Nesenel Maining Sefti Wik (NMSW) wantaim wanpela fun-run/walkathon long bikmoning long Sande 14 Me.

Bihain long dispela fun-run ol woklain i bin bung long kaikai.

OTML Manesing Dairekta na Sief Eksektiv Opisa, Peter Graham i opim dispela NMSW na fun-run long Tabubil. Em i tok Nesenel Maining Sfti Wik em wanpela wik ol i save makim long wan wan yia long tingting long helt na sefti.

Het tok biong dispela Nesenel Maining Sefti Wik em, Fitness for Work. Em i impoten wik long ol woka bilong kampani bilong skelim gen tingting na lukim olsem olgeta samting ol i mekim long haus na ples bilong wok em i kamap long seif wei. Mista Graham i tokim ol wokman na meri

long tingting gut pastaim bipo long ol i mekim ol samting.

Mista Graham i tok Fitness for Work em i samting bilong Kampani, ol woka bilong en na ol kontrakta bilong en tu.

Em i tok tu olsem i gat planti ol arapela samting wan wan manmeri i mas mekim. Em i tok ol i mas lukautim helt bilong ol na kaikai ol gutpela kaikai. Em i tok sapos ol i dring, orait ol i mas dring long mak na ol i fit long go long wok long wan wan de na i mekim wok bilong ol.

Dispela NMSW bilong OTML i stat long Me 14 na bai pinis long Me 19. Bai i gat ol helt na sefti toktok i kamap long kain kain topik em ol manesa bai go pas long en. Bai i gat wanpela volibal kompetisen tu i kamap namel long ol wokman bilong kampani na ol kontrakta long dispela wik.



Fitness instrakta, Lucas Camillus i redi long ol eksasais bipo long walkathon, fun-run.

2017 NRL Dro bilong raun namba 11

Det	Hom	Awe	Pilai Graun	TV	Taim
Fonde, Me 18			Southern Cross Group Stediam	Nine, Fox	7:50 pm
Fraide, Me 19			FMG Stediam	Fox	6:00 pm
Fraide, Me 19			Suncorp Stediam	Nine, Fox	7:50 pm
Sarere, Me 20			CBus Super Stediam	Fox	5:30 pm
Sarere, Me 20			ANZ Stediam	Fox	7:30 pm
Sande, Me 21			McDonald Jones Stediam	Fox	2:00 pm
Sande, Me 21			ANZ Stediam	Nine, Fox	4:00 pm
Sande, Me 21			NIB Stediam	Fox	6:30 pm

2017 NRL Risal bilong raun namba 10

Det	Hom	Awe	Pilai Graun	TV	Taim
Fonde, Me 11			ANZ Stediam	Nine, Fox	7:50 pm
Fraide, Me 12			Jubilee Oval	Fox	6:00 pm
Fraide, Me 12			ANZ Stediam	Nine, Fox	7:50 pm
Sarere, Me 13			Pepper Stediam	Fox	3:00 pm
Sarere, Me 13			Suncorp Stediam	Fox	5:30 pm
Sarere, Me 13			Suncorp Stediam	Fox	7:50 pm
Sande, Me 14			McDonald Jones Stediam	Fox	2:00 pm
Sande, Me 14			Allianz Stediam	Nine, Fox	4:00 pm

2017 NRL Lata | TELSTRA PREMIASIP

Po-sisen	Tim	P	W	L	D	B	F	A	+/-	Pts
1		10	8	2	0	0	224	159	65	16
2		10	7	3	0	0	200	132	68	14
3		10	7	3	0	0	212	152	60	14
4		10	7	3	0	0	215	161	54	14
5		10	6	4	0	0	239	169	70	12
6		10	6	4	0	0	199	204	-5	12
7		10	5	5	0	0	230	193	37	10
8		10	5	5	0	0	152	174	-22	10
9		10	5	5	0	0	182	214	-32	10
10		10	4	6	0	0	230	193	37	8
11		10	4	6	0	0	248	262	-14	8
12		10	4	6	0	0	174	219	-45	8
13		10	4	6	0	0	182	233	-51	8
14		10	3	7	0	0	192	213	-21	6
15		10	3	7	0	0	152	254	-102	6
16		10	2	8	0	0	164	263	-99	4

Packer i joinim ol Tigers



Russell Packer i sainim wanpela 4-pela yia kontrak wantaim Wests Tigers. Credit: Brett Crockford. Copyright: NRL Photos

RUSSELL Packer i sainim 4-pela yia kontrak wantaim Wests Tigers na klap i tokaut long Tunde moning.

Nupela agrimen i lukim Packer bai pilai wantaim ol Wests Tigers inap long pinis bilong yia 2021.

Packer i bin pilai 142 gem long NRL resis inap long taim em i bin stat resis long yia 2008. Em i bin pilai tripela tes resis bilong Nu Silan na namba tri gem bilong em wantaim Nu Silan i bin kamap long dispela mun long

Anzac Tes resis i bin kamap long Canberra, Australia. Em i bin pilai 110 gem bilong ol Nu Silan Warriors na 32 gem bilong St George Illawarra Dragons. Kosa bilong Wests Tigers, Ivan Cleary, i tok olsem em i

lukluk long wok bung wantaim Packer. "Russell em i wanpela namba wan fran-rowa NRL pilai long dispela sisen na mi ting olsem em bai pilai gut wantaim ol Wests Tigers," Cleary i tok.

Asiata i risain long ol Cowboys

TOP pilai bilong ol Sydney Roosters, John Asiata, bai pilai yet wantaim North Queensland Cowboys insait long 3-pela sisen bihain long ol i tok orait long skruim kontrak bilong em.

"Mi laik long pilai wantaim tim bilong mi, Cowboys, tasol mi klap i go aut long tim bilong mi bikos i gat sampela giaman toktok i stap," Asiata i tok.

"Olgeta kosa, sapota na ol bikpela lain i bung wantaim long mekim mi tingim ol gut-pela taim mi stap wantaim North Queensland.

"Mi bai bekim ol dispela gut-pela sapot wantaim stail kala bilong mi insait long ol taim i stap yet bilong bungim pinis bilong dispela yia, 2017."

Asiata i bin pilai wantaim ol Samoa long tes resis i bin kamap long stat bilong dispela mun egensim ol Inglan.



John Asiata i sainim tupela yia kontrak long stap yet wantaim ol Cowboys inap long pinis bilong 2017 sisen. Credit: Grant Trouville. Copyright: NRL Photos

Nicola Adams i stopim Maryan Salazar long raun namba 3



Nicole Adam em i 16 yia bikpela long Salazar, i win long raun namba 3.

DABOL Olimpik go medal wina bilong Briten, Nicola Adams, i stopim Paita bilong Meksiko, Maryan Salazar, long namba 3 raun long as-ples bilong em.

Nicola i gat 34 krismas i nilim birua bilong em long kona na referi i wokabout i go insait long strongim namba tu profesenel win bilong em long flaiweit bok-sen resis.

Ol meri i save pait insait long tupela minit, tasol pait namel long tupela i pinis bihain long tripela minit.



Ramu NiCo helpim Dein komyniti stretim rot



Ol mama na pikinini oltaim save bungim hat taim long ol rot long Raikos.



Ol Terex trak bilong Ramu NiCo BSK Laimston karim Yaganon riva i go bek.



Fran-loda levelim grevol long rot.



Bikpela Terex trak bilong Ramu NiCo kapsaitim ol grevol na na ston long rot klostu long Dein viles.

RAMU NiCo Menesmen (MCC) Ltd i luksave olsem em mas wok bung wantaim na helpim komyniti klostu long en long kamapim gutpela spirit bilong wanbel na frensip long stap oltaim taim Projek i go het long Operesen bilong en.

Long Trinde, Me 17 ol Ramu NiCo (MCC) menesmen long Basamuk Rifaineri i salim ol bikpela masin bilong en olsem ol ekskeveta, Terex trak na fran-loda long go stap wok long rot i go olsem long Dein viles.

Dispela viles i stap hapsait long bikpela Yaganon riva, na sampela seksen bilong rot i gat bikpela tais bikos long baret wara i ran long sait sait. Olsem na Ramu NiCo i luksave na i bringim ol masin bilong em long go kisim ol ston na grevol long Yaganon wara em ekskeveta masin i digim na ol Terex trak i karim i kapsaitim na fran-loda i levelim

long wokim rot i kamap orait na no gat tais i stap long givim hevi long ol kar na manmeri long yusim.

Dispela wok long stretim rot long Dein i bin kamap bihain long wanpela agrimen we ol lain bilong Ramu NiCo (MCC) Komyniti Afes Dipatmen long Basamuk i redim wantaim Teterege klen bilong Dein viles long kisim gutpela blak wesan long kamapim ol developmen wok insait long Basamuk Rifaineri.

Deputi Suparintenden bilong Komyniti Afes Dipatmen long Basamuk, Nicholas Genaia i tok olsem ol Dipatmen bilong em i redim dispela memorandum ov agrimen (MoA) wantaim Teterege klen na klen lida, Ping Seb we bai lukim Basamuk Rifaineri i kisim ol gutpela wesan long wokim nupela developmen long rifaineri.

Agrimen bai lukim Ramu NiCo i baim ol lain

papagraun long hamas baket ekskeveta i digim graun na kisim na lodim long trak, na hamas trak lod olgeta i go kam long kisim. Dispela bai lukim rekot i go long Ramu NiCo long baim ol klen kampani i kisim wesan long en.

Mista Genaia i tok olsem Teterege klen long Dein viles i bin givim gutpela helpim long Ramu NiCo Projek long taim bilong konstraksen na kampani save baim. Klen lida Ping Seb em wanpela hap lenona tu long laimston kwari eria we Ramu NiCo save kisim laimston long en.


Long Trinde, Kampani i kisim ol long-taim wokman na ol stail mangi bilong holim ol bikpela masin bilong Laimston Kwari long karim ol bikpela masin long go stretim seksen bilong rot long Dein.

Sampela ol skul sumatin long Dein Praimeri skul i tok olsem dispela ol bikpela

baret na tais long rot em wanpela loging kampani bilong Malaysia i kamapim taim ol bikpela trak bilong en i pas insait long tais na ol i pulim i go kam long rausim.

Ol sumatin i tok em moa gutpela long dispela loging kampani bilong Malaysia i stretim gut rot, tasol Ramu NiCo (MCC) em bikpela boi long Basamuk eria na em i yusim ol bikpela masin bilong en long go stretim rot long Dein.

Taim ol masin i bisi long wok long stretim ol seksen bilong rot i stap, tarangu ol mama na pikinini i wokabout i go kam brukim baret we long taim bilong bikpela ren em wara i save tait na tarangu ol i save kisim hatpela taim tru. Planti taim ol sumatin husat i stap longwe i no save go kam long skul. Na ol mama husat save go salim liklik kaikai long Dein Praimeri Skul i no save go long hap.



Tupela Kambual brata winim gem bilong Laiwaden FC



Kosa bilong Laiwaden FC Bob Morris wantaim teknikel opisa i givim toktok long Laiwaden tim long hap-taim. Poto: James G. Kila



Liklik brata Brenden Kambual i setim bikpela Jonnell long fran lain long las wiken gem egen-sim Nawaeb FC. Poto: James G. Kila

James G. Kila i raitim

TUPELA stail mangi bilong Malala long Madang hapkas Manus Jonell na Brendon Kambual i pilai gut stret na sapatim tupela yet wantaim Laiwaden Futbol Klap long winim Nawaeb FC 2-1 pilai bilong Nesenel Primia Lig (NPL) long Madang las wiken.

Dispela tupela Kambual brata wantaim i ran long fran lain na givim het pen tru long ol beklain bilong Nawaeb FC wantaim atek bilong ol. Ol-geta taim tupela i kisim bal tupela save pretim stret gol maus bilong Nawaeb.

Namba wan gol bilong Laiwaden FC i bin kamap long namel bilong fes hap bilong pilai taim Jonnell Kambual i ran abrusim fulbek bilong Nawaeb FC na kikim bal paitim gol-kipa na kam bek na em i salim i go long liklik brata bilong em Brandon long pairapim i go insait long umben.

Insait long narapela gem bilong Nesenel Primia Lig Noten Kofrens i lukim Bulolo FC i winim Lahi FC 1-0 long

Sir Ignatius Kilage stedium long Lae na Markham FC i winim Welgris Morobe Yunaited FC 1-0.

Namba tu gol em Jonnell Kambual i kisim gutpela bal long brata bilong em na resis wantaim fulbek bilong Nawaeb na abrusim man ya na pairapim gen umben long mekim fes hap skoa 2-0.

Laiwaden FC i bin kontrolim gem gut tru long seken hap bilong pilai na paulim stret ol pilaia bilong Nawaeb FC. Ol i kamapim planti ol gutpela sans tru long skoim gol na bringim skoa i go antap tasol Jonnell i misim tupela gol na tu ol arapela straika na winga i abrusim umben. Ating ol-geta dispela gol i go insait em Laiwaden bai winim tru gem em planti sapota i lukim gem i tok.

Nawaeb FC i bin laki long namba tu hap taim golkipa bilong Laiwaden i ran kamaut na abrusim bal na gol eria we i lukim straika bilong Nawaeb FC, Sammy Hiob i skoim wanpela gol tasol i go inap fultaim.

Long dispela wiken long

Sarere bai lukim Laiwaden FC bai bungim Markham FC long Laiwaden oval.

Dispela bai wanpela gutpela gem tru bikos Markham FC i gat ol pilaia bilong ruel asosiesen husat nau i pilai long bikpela resis olsem na ol dispela lain i save gut stret long pilai. Dispela gem bai soim tru skil na save bilong ol ruel pilaia em kosa na pastaim PNG straika na senia pilaia bilong POM Yunivesiti, Hans Gewabing em stap nau bosim ol.

Ol mangi Markham em ol longpela pilaia na i gat spit na sapos Laiwaden FC i no banisim ol gut em ol 'raings' bilong Markham bai ranawe winim dispela gem.

Kosa bilong Laiwaden FC, Bob Morris na ol teknikel opisa bilong em i mas givim gutpela toktok long ol winga na straika bilong Laiwaden long kontrolim na skelim bal gut. Ol i no ken holim strong bal o pilai wan wan bikos las wiken winga bilong ol namba 10 i wok long pilai wan man gem na i no salim bal i go long ol poro pilaia bilong em.



BANK OF PAPUA NEW GUINEA

PUBLIC NOTICE

PUBLIC WARNING ON: CIRCULATION OF PAPER BANKNOTES

The public is reminded that Paper Banknotes (K2, K5, K10, K20, K50 and K100) have ceased to be legal tender and are not acceptable to be used as money for any transactions. Only Polymer (plastic) Banknotes are legal tender and acceptable to be used.

When the Paper Banknotes were withdrawn as money (legal tender), the uncirculated stocks were sold to an overseas recycler. The Bank of Papua New Guinea has evidence that some of these Paper Banknotes are returning to Papua New Guinea through various agents who are attempting to exchange them for Polymer Banknotes. Large quantities of these Paper Banknotes are believed to be coming through from Asia.

The Public is advised to check the Serial Numbers at the bottom of the Banknotes. If you receive or are holding any Banknote with serial numbers that fall within the range of serial numbers indicated below, they are NOT Legal Tender/Money and cannot be used.

Denomination	Prefix	Serial numbers		Examples
		Low	High	
K2	ABJ-AJS	000001	003000	ADG 000023
K10	AC-AY	030000	031000	AE 030401
	NBP-NES	160000	173000	NCL 160301
K20	BPNG	0000001	3000000	BPNG 1012516
K50	HTT-HUU	080000	090000	HUG 076034
K100	BPNG	0000001	6000000	BPNG 5910074

Please report any incidence of circulation of Paper Banknotes to Mr. David Lakatani, Manager Currency Department on telephone number 3227245 or email address: dlakatani@bankpng.gov.pg

Authorised by: **Loi M. Bakani, CMG**
Governor

Ol Guria i rausim ol pilaia

AGMARK Rabaul Gurias i rausim ol pilaia, Samuel Hamari, Chris Jerry na Jimmy Peter Jr bikos ol i bin brukim lo bilong ragbi lig.

Ol i tok moa olsem bipo pilaia bilong SP Hunters, Edward Goma na Francis Takai, em ol i bin rausim ol na tupela i no trening moa inap long ol bai tok save bihain long tupela bai trening gen long pilai o no gat.

Kosa bilong Rabaul Gurias, Steven Nightingale, i tok klia olsem klap i save sanap strong long disiplin na komitmen na ol wan wan pilaia o liklik grup insait long klap em ol i no bikpela, nogat.

"Mipela i gat planti ol yangpela pilaia insait long klap na wokabaut na pasin bilong ol senia pilaia bai mangalim ol junia pilaia long nogut o gutpela wei," Nightingale i tok.



Kosa bilong Agmark Rabaul Gurias, Steven Nightingale, i sanap long rait han.

"Mipela i laikim ol senia pilaia bilong mipela long go pas na soim ol junia pilaia long gutpela eksampel.

"Bilong klap long go het na stap long top ples, mipela i mas soim disiplin insait na autsait long pilai graun olsem mipela i bin mekim bipo.

"Sapos ol pilaia i les long stap aninit long lo bilong mipela em ol i no gat wanpela ples long Agmark Rabaul Gurias.

"Dispela toktok em i go long olgeta pilai husat i stap sotpela o longpela taim wantaim Rabaul Gurias."

Hunters i redi bihain long tupela wiken malolo



Tupela Albert brata bai stap insait long Hunters tim long raun 11 pilai bilong ol long Australia. Dispela kain takol bai tupela mekim taim ol bungim Ipswich Jets long dispela wiken.

I gat liklik senis i kamap long skwat bilong Hunters we Adex Wera bai kisim ples bilong Willie Minoga long senta, bihain long ol i rausim Minoga long em i bin kisim wanpela strongpela takel long raun namba 9 na em bai stap aut wanpela wik.

Narapela senis i lukim Wellington Albert bai pilai

prop bihain long ol i rausim Henry Wan Noki bikos em i no go bek long kemp na trening.

CEO bilong PNG Ragbi Football Lig, Reatau Rau, i tok olsem, ol i rausim Noki bikos em i gat wanpela hevi wantaim ol polis long Australia long stretim.

Gahuna Silas, Rhadley

Brawa, Enoch Maki na Moses Meninga bai risev o ontasenis.

Tim bai lusim kantri tumora bilong gem bai stat long Sarere, 3.05 apinun long North Ipswich Risev. Ol 20 man skwat bilong Hunters;

- 1 Stargroth AMEAN
- 2 Bland ABAVU
- 3 Israel ELIAB
- 4 Adex WERA
- 5 Paul WAWA
- 6 Ase BOAS (Kepten)
- 7 Watson BOAS
- 8 Wellington ALBERT
- 9 Wartovo PUARA Jnr
- 10 Esau SIUNE
- 11 Nixon PUT
- 12 David LOKO
- 13 Stanton ALBERT
- 14 Gahuna SILAS
- 15 Rhadley BRAWA
- 16 Enock MAKI
- 17 Moses MENINGA
- 18 Ismael BALKAWA
- 19 Muka Peter KULU
- 20 Butler MORRIS.



Ase Boas bai kisim Hunters tim long mekim win bihain long tupelo wik malolo.

Adah i winim 100 mita resis



Afure Adam i ran long fran-rai, i kamap namba tu ples long 200 mita resis.



Meri rana husat i ran pas em i Afure Adah, i winim 100 mita resis long NSIC sempionsip resis.

MERI rana bilong PNG, Afure Adah, i soim namba wan kala long las wiken long Northern Sun Intercollegiate Konferens Sempionsip long Concordia Yunivesiti, na winim 100 mita resis.

Em i kamap namba tu ples long 200 mita resis aninit long Minnesota Stet tim bilong em.

Adah i winim 100 mita insait long 11.77 seken na i winim 200 mita insait long 24.15 seken.

Nau, Afure i lukluk long resis long NCAA Div 2 Nesenel Sempionsip long Bradenton, Florida, long wik i kam. Em bai bungim Rellie Kaputin, Adrine Monagi na Peniel Richard long wankain taim.

Lae City Dwellers bagarapim Buang FC 6-0

James G. Kila i raitim

SEMPION tim bilong Telikom Nesenel Soka Lig (NSL), Lae City Dwellers i soim olsem em strongpela tim yet insait long kompetisen taim em i bagarapim stret nupela tim Buang FC 6-0 long las wik Sarere long gem bilong ol long Lae Football Akademi long 11-Mail long Lae.

Tupela tim ya i bin pilai pastaim long mein gem namel long Huawei PS Yunaited bilong Mosbi na Madang FC.

LCD i gat ol sempion pilaia olsem kepten na PNG Kapuls straika, Raymond Gunemba na yangpela Obert Bika na tu long midfil olsem narapela tupela Kapul Emmanuel Simon wantaim Troy Gunemba.

Plantu ol soka sapota bilong Madang i no wanbel na amamas stret long lukim Madang FC i pilai bikos ol i pilai moa smat winim PS Yunaited tasol ol i no skorim ol gol. Ol straika i pilai krangki stret na plantu ol gutpela gol i abrusim umben.

Wanpela strongpela sapota bilong Madang FC, Chester Gauns i tok Madang FC i bin kontrolim bal na pilai naispela mabel gem stret we i smat moa winim ol lain PS Yunaited, tasol taim ol i go klostu long penalti na umben bilong Yunaited ol i no putim skoa.

Gauns i tok kosa bilong Madang FC mas toktok strong nau long ol pilaia long ol fowot na straika long tim long no ken pilai wan man pilai long dribel o holim bal tumas na trik trik. Taim ol wokim olsem difens i save kamap bung na dispela i save stopim sans long ol long skoa.

Maski olsem Madang FC i gat ol gutpela pilaia long tim long fowot na beklain, dispela pasin long holim bal longpela taim na pasim bal i go i kam save westim tumas taim long difens bilong narapela tim i sanapim pos gen na banisim eria bilong ol.

Insait long narapela NSL gem long las wiken, ol yangpela bilong Besta PNG Yunaited i bin dro wantaim Yamaros FC, narapela tupela



Sempion midfilda bilong PNG Kapuls na Lae City Dwellers, Emmanuel Simon, i helpim tim bagarapim ol wantok bilong em bilong Buang FC bilong Mt. Hagen. Poto: James G. Kila

tim long kompetisen.

Bihain long namba tu gem long NSL, poin lada i sanap olsem Huawei PS Yunaited i go pas wantaim 6 poin, Lae City Dwellers 4 poin, Buang FC 3, Madang FC 1, Besta PNG Yunaited 1 na Yamaros 1.



Difenda bilong Admiralty FC i rausim bal long lek bilong straika bilong Erema Gulf long MRDC prima lig resis bilong ol long Mosbi tupela tim wantaim i bin dro 1-1.



Milten, bilong Blade i rausim bal bipo long pilaia bilong Bismark i kam long stopim em long pilai bilong ol long Pot Mosbi hoki resis.



Winga bilong Hanuabada Hawks i pasim bal long wan pilaia bilong em taim tupela Magani pilaia i kam long mekim takol long em long Pot Mosbi Ragbi Lig resis. Hawks i winim pilai.



Linda bilong tim Vailima i go daun long sevim bal long Volibal resis bilong NCD.



Rodney Mobia, bilong Rapatona FC i putim lek long bal na traim long abrusim tupela pilai bilong Papaka long MRDC Prima Soka resis long PNG Stadium long Mosbi.

Port Moresby Rugby Football League Inc.

WEEKEND DRAWS ROUND 1: WEEK 10 (MEN) & WEEK 7(WOMEN)

FRIDAY 19TH MAY 2017 – NATIONAL FOOTBALL STADIUM # 2

TIME	GRADE	CLUB	VS	CLUB	MINS
12.00 PM	WOMEN	HAWKS	VS	HOHOLA FLIES	40
12.10 PM	WOMEN	MAGANI	VS	SISTERS	40
12.50 PM	U/20	HOHOLA FLIES	VS	HAWKS	40
01.30 PM	U/20	BROTHERS	VS	MAGANI	40
02.20 PM	'A'	HOHOLA FLIES	VS	HAWKS	60
					220

SATURDAY 20TH MAY 2017 – NATIONAL FOOTBALL STADIUM OVAL # 2

TIME	GRADE	CLUB	VS	CLUB	MINS
09.00 AM	U/20	BROTHERS	VS	MAGANI	40
09.40 AM	U/20	PAGA PANTHERS	VS	KONE STORMS	40
10.20 AM	U/20	WEST	VS	DOBO WARRIORS	40
11.00 AM	WOMEN	KONE STORMS	VS	PAGA PANTHERS	40
11.40 AM	WOMEN	DOBO WARRIORS	VS	WEST	40
12.50 PM	'A'	BROTHER	VS	MAGANI	60
02.00 PM	'A'	DEFENCE	VS	BUTTERFLIES	60
03.10 PM	'A'	PAGA PANTHERS	VS	KONE STORMS	60
					380

SUNDAY 21ST MAY 2017 – NATIONAL FOOTBALL STADIUM OVAL # 2

TIME	GRADE	CLUB	VS	CLUB	MINS
09.00 AM	U/20	KONE TIGERS	VS	SOUTHS	40
09.40 AM	U/20	ROYALS	VS	TARANGAU	40
10.20 AM	WOMEN	SOUTHS	VS	KONE STORMS	40
11.00 AM	WOMEN	BUTTERFLIES	VS	DEFENCE	40
11.40 AM	WOMEN	TARANGAU	VS	ROYALS	40
12.50 PM	'A'	WEST	VS	DOBO WARRIORS	60
02.00 PM	'A'	KONE STORMS	VS	SOUTHS	60
03.10 PM	'A'	ROYALS	VS	TARANGAU	60
					380

Poto Nicky Bernard.



SPOT'S

Lukim websait
bilong mipela

www.wantokniuspepa.com

Namba 2226

Me 18 - 24, 2017

WHITE TUNA FLAVES
DIANA White



WHITE TUNA
insait
K 2.20



Tasty and Flavourful White Tuna for Everyone!

Manufactured by:
RD Tuna Cannery Ltd.

Hunters i redi

tupela wiken malolo pinis

stori long pes 26

STRONGPELA TAKOL: Hendry Noki i mekim bikipela takol long pilaia bilong Pride long raun 8 bilong Kwinslen Kap. Noki bai no inap stap insait long Hunters tim long dispela raun 11. Poto Wantok file.

Valvoline

PMV

DIESEL OIL

PMV OIL BILONG YUMI

BOROKO MOTORS

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
Website: www.borokomotors.com.pg